

Miyones di tiro pa core cu fucu



ORANJESTAD – Varios instancia y sigur cadenan di hotelero a clausura aña 2014 y a yama 2015 bon bini cu pagara di miyones di tiro. Pueblo di Aruba, como tambe nos bishitantenan a gosa segun a tira tradicional pagaranan di fin di aña.

Pagina A2, A14, A15, B2 & B3.

Baby di aña 2015: Nathan Samuel Chacon



ORANJESTAD - Diahuebs, dia 1 di januari, a celebra e nacemento di Baby di Aña 2015. Pa 1 or y 54 minuut den oranan di marduga, por a tende e prome yora y e stemnan emocionan di alegria anunciando nacemento di e prome baby di aña 2015; Nathan Samuel Chacon.

Les a e detayenan riba pagina A2

Trahado local mester ocupa posicion clave den hotelnan



ORANJESTAD – Minister di Labor, sr. Paul Croes a bisa cu lo bin cu un forma pa proteha nos mercado laboral mas ainda. Segun e mandatario, gobierno ta boga pa posicion halto wordo ocupa pa nos profesionalnan di turismo local.

Pagina A4

Por spera bishita di Plataforma Ley di Cacho



ORANJESTAD – Manera Bon Dia Aruba a bin ta publica na varios ocasion entrante prome di januari 2015 lo enforsa Ley di cacho. Den cuadro di esaki, un grupo di Plataforma Ley di Cacho (PLC) ta cla pa subi caya y doñonan di cacho, awo por spera bishita di PLC.

Pagina A6



Pronostico di tempo :

Cautela cu olanan halto y lama bruto

ORANJESTAD – **Pro-
nóstico di tempo ta indica
cu tempo ta keda par-
cialmente nubia. Ta pidi
cautela cu olanan halto y
lama bruto.**

E olanan por tin un haltura

entre 6 pa 12 pia debi na bi-
ento fuerte. Temperatura
maximo ta 31° grado y tem-
peratura minimo ta 26°

Tempo pa mainta : Par-
cialmente nubia te princi-
palmente poco nubia. Leve

posibilidad di awa. Maximo:
31°. Heat index te 35°. Indice
ultravioleta: 8.

Biento di oost alrededor di 23
nudo cu rafaga di 38 nudo.
Posibilidad di awa menos cu
20%.

Tempo pa anochi: Poco
nubia te parcialmente nu-
bia. Leve posibilidad di awa
despues di madrugada.

Biento di oost alrededor di 23
nudo cu rafaga di 33 nudo.
Posibilidad di awa menos di
20%. □

Nathan Samuel Chacon baby di aña 2015

ORANJESTAD - Dr.
Horacio E. Oduber
Hospitaal tabata di fiesta
diahuebs, dia 1 di januari,
pa celebra e nacemento
di Baby di Aña 2015. Ta
un tradicion cu prensa
y diferente instancia ta
pendiente di e prome
nacemento di aña. Pa 1or



**y 54 minuut por a tende e
prome yora y e stemnan
emociona y contento
anunciando nacemento di
baby di aña 2015.**

For di momento cu 12'or
di anochi a bati, den
departamento di "Verlos" tur
hende tabata wardando pa
wak kende lo nace prome, e

baby ta un mucha muhe of un
mucha homber y ken lo bira
e prome ser femenino pa bira
mama den 2015. Cu alegria
Hospital, Mami Sandra
cu Papi Ricky y famianan
Chacon ta introduci nan
dushi baby Nathan Samuel
Chacon na Aruba henter.
Baby Nathan a nace pisando
3250 gram y tin un largura di



54 cm.
E parto a wordo asisti pa
Partera Akil Arrindel di
Futuro Bambino y dr. Narain
y e team di Departamento di
"Verlos" y "Kraam" cu a duna
e guia necesario durante y
despues di e parto.
Interesante pa anuncia ta cu
te cu 11or di mainta ya Aruba
a conoce 7 baby mucha

homber pa asina habri aña
2015.
E ultimo baby di aña 2014 a
nace 6.41 di atardi y mami
Rebecca y papi Marlon
Willems a duna bon bini
na nan princesa cu a haya e
nomber di Marileen Victoria
Willems, pisando 2940 gram
y tin un largura di 50 cm cual
tambe a nace cu dr. Narain.

12 miyon tiro pa core cu fucu



ORANJESTAD – Hotel
Marriott no ta tuma niun
chens cu e fucu y a core cu
ne cu un pagara di 12 mi-
yon tiro, esun mas grandi
tira na Aruba.


Un gran cantidad di polis y



personal di siguridad tabata
prepara e tiro aki riba dia 31
y finalmente a tuma un mey
ora pe pagara a kima comple-
to.

No tabatin asina hopi hende
presente manera na e tiro di e
pagara na Renaissance.

Turistanan di e hotel si a sali
di e piscina pa core bin wak e
espectaculo. □



Departamento di Emergencia atendiendo 173 pashent fin di aña y aña nobo

ORANJESTAD - Departamento di Emergencia tabata bastante ocupa durante e ultimo dianan pero tabata prepara pa esaki, atendiendo un total di 173 pashent.

Durante bispo di aña y aña nobo, cuminsando desde 31 di december 2014 pa 12or di merdia te cu dia 2 di januari 2015 pa 6or di mainta, Departamento di Emergencia a atende 173 pashent di cual 35 a wordo admiti den Hospital y a registra 26 pashent relata na incidentenan.

E edad di pashent di incidentenan a varia entre 5 aña pa 71 aña y solamente 5 pashent tabata di un gravedad pa ser admiti den Hospital. Di e 26 pashent cu a drenta Departamento di Emergencia 13 a consumi alcohol. A atende 17 pashent pa via di accident di

auto, 7 a drenta pa motibo di maltrato y 2 pashent cu herido causa pa vuurwerk. Di e 2 victima di vuurwerk 1 tabata di un gravedad halto pa ser admiti den Hospital.

Dokter di Warda of conoci manera Huisartsenpost tabata bastante trankil. Akinan a mira solamente 22 pashent riba e ultimo dia di 2014 y dia 1 di januari 2015 a mira un total di 52 pashent.

Hospital ta informa cu su orarionan di bishita ta sigui normal cu ta di 11.30 di mainta pa 1or di merdia y 6or pa 8or di anochi. Departamento di ICU/MCU/CCU tambe ta sigui su orario regular pa bishita cual ta entre 12or cu 1or y 7or pa 8or. Hunta di Directiva, staf y personal di Hospital ta desea Aruba henter un prospero aña 2015 yena cu hopi salud y amor. □



Disminucion di AO a bati cifranan historico

Fondo di malesa mester mas atencion pa sanea debenan bieu



ORANJESTAD - Haciendo un analisis di e diferente fondo administra pa medio di Banco di Seguro Social (SVB) su comportacion durante 2014, director di e instancia aki, sr. Edwin Jacobs a referi na e fondo di seguro di malesa.

E ta splica cu e fondo aki hopi aña prome cu introduccion di AZV tabata conoce deficit grandi.

Esaki a trece cu ne cu parti di otro fondonan a wordo uza

pa cubri e deficit aki. Esaki a trece como consecuencia cu e fondo tin debenan grandi pa debi na e deficit di añanan anterior. Pues e fondo aki lo keda un problema pasobra mester soluciona debenan bieu di e fondo mes.

AO a baha

Pa loke ta AO durante e prome 11 lunanan di aña pasa (2014) e cantidad di dianan di AO a baha. Nan tabatin registra te cu november 217 mil

dianan di AO compara cu aña pasa cu durante e mesun periodo tabatin 220 mil. Pues un diferencia di 3 mil. "Nos no ta spera cu e ta baha pero el a baha si," sr. Jacobs a bisa.

E ta observa cu na luna di november e cantidad di AO a aumenta un tiki, pero esaki debi na e fenomeno di cantidad di caso di Chikunguya y Dengue. Ademas tabatin otro tipo di andansa cu a wordo traduci den mas dianan di AO.

Sinembargo ariba su mes pa concepto di AO su efecto den e fondo di malesa ta hopi abou. El a bisa cu 2013 e situacion di AO tabata historicamente abou entre 2.7 pa 2.8%. Pues SVB no ta mira hopi espacio pa sigui baha, ya cu e ta caba bou e norma internacional.

Otro factor cu por a hunga un rol pa e cantidad di AO por a baha na cifranan historico tin di haber cu factornan economico. Sr. Jacobs a splica cu ora financieramente e situacion laboral ta uno instabil y no di empleo pleno. Esaki kiermen cu e trahado no por haya empleo rapido. Den e caso aki e trahado ta bay cuida mas su fuente di trabou.

Si por ehemplo pa un dolor di cabes antes e tabata melding AO, awor talbes e ta bebe un pildo y bay traha.

Ahustacion y mas entrada

Pero apesar di tur esfuerso y logro, e fondo di malesa aki lo bay keda un problema ya cu mester soluciona problema bieu. Den esey gobierno a tuma algun paso durante 2014.

Nan a cuminsa cu algun saneamento pa medio di exoneracion debe entre e fondonan.

E no a pasa completamente, pero pa 2015 SVB ta na expectativa cu e exoneracion aki lo bay pasa.

Igualmente SVB a haci estudio y nan ta indicado gobierno cu mester busca un entrada pa e fondo ya sea mediante un aumento masha chikito di e prima, of pa medio di e prima cu e salario maximo mester paga riba dje cu durante e ultimo 5 aña no a conoce un adaptacion.

Ora cu gobierno lo tuma un of tur dos adaptacion aki, y cu ta bin un saneamento di e debenan entre e fondonan, sr. Jacobs ta premira cu e fondo di malesa y seguro di malesa di accidente ta bay conoce un fase di estabilidad financiero pa e proximo añanan.

SVB lo keda hunto cu nan partnernan entrenan Despa, AZV y WGK caminda nan ta participa den proyectonan conhunto di conscientisacion di salud pa asina sigui enfoca y pone atencion riba cuida di salud.

"Nos a mira un aña 2014, caminda e esfuerso conhunto akinan a duna resultado y nos tin pleno confiansa cu nos lo sigui haci esaki," asina director di SVB a culmina su declaracion na Bon Dia Aruba. □

BON DIA *Aruba***Editor**

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Hefe di Redaccion

Sharina Henriquez

Redactor Ehecutivo

Dionne Fradl-Jie Sam Foek
Zulaica Maduro

Redaccion

Benjamin Romero
Nathalie Winterdaal (Deporte)
Yakari Gabriel
Nadien Philip
Margarita Els

Coreccion

Jaime A. Mata

Colaboracion

Ariën Rasmijn
Oscar Vidal
Masnoticia
NoticiaCla
Associated Press
New York Times
Ret Karibense

Fotografo

Maritza Tromp- Lacle

Ehecutivo di Benta

Brigitte Wauben (Hefe)
Marijke Croes-Luidens
Mark Gomes

Diseño Grafico

Michael Arendsz

Aviso y Arte

Sandra Loefstop
Lando Rafael
Gladis Palomino-Silva
Robert Cortez

Administracion

Xiomara Arends (Hefe)
Mariette Engelhart
(Hefe di Personal)
Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Yair Gambin
Francis Dirks

Afiliacion

Sociedad Interamerica
di Prensa (SIP)

DIRECCION

Weststraat #22
Tel: 582-7800 / Fax: 582-7044
email: noticia@bondia.com
aviso@bondia.com
BON DIA ARUBA

Ta un Corant redacta y imprimi na
Aruba y ta obtenibel di Dialuna te
cu Diasabra. Ningun contenido
por wordo reproduci sin permiso
di Editor. www.bondia.com

*Lo bin cu forma mas facil pa controla mercado laboral***Trahadonan local mester ocupa posicion clave den hotelnan**

ORANJESTAD –Minister di Labor, sr. Paul Croes a bisa cu lo bin cu un forma pa protege mas ainda nos mercado laboral, manera Hulanda a yega di haci cu e hendenan cu ta bin di afo.

El a laga sa cu tin biaha nan por haci cierto excepcion pa hotelnan tin ehecutivo den posicion clave y di hopi confiansa, como ehempel un gerente general. Sinembargo gobierno ta boga pa posicion halto ya sea den Recurso Humano y diferente categorianan, mester wordo ocupa pa nos profesionalnan di turismo local.

Proteccion mercado laboral local

El a bisa cu e maneho di su ministerio ta dirigi pa garantisa e posicion aki pa nos yunan di tera. Naturalmente na momento cu nan no por haya un trahado local pa yena e funcion, gobierno lo por haci un excepcion den esaki.

E mandatario a bisa cu pa e posicionnan mas halto den hotel hopi biaha e mes no ta haya peticion pa bin cu e tipo di excepcion aki. “E mayoria di e excepcionnan cu nos ta duna ta djis e trabounan cu un poco menos di entrada. Particularmente mi no ta haya hopi di e peticionnan pa

funcionnan halto manera supervisor of manager... den e sector hotelero,” el a bisa.

E ta haya cu esaki ta refleha cu tog tin un confiansa riba nos mercado local di esaki. E ta reconoce cu tin biaha ta sosode cu cierto hotelnan ta prefera bin cu un persona di afo pa por haci cierto funcionnan; pero nan maneho ta dirigi cu e persona aki no lo ricibi un permiso di trabou pa motibo cu nan ta bay sondea prome ariba nos mercado local.

Si nan ta mira cu tin un persona cu por ehemplo a wordo kita for di cierto hotel, e persona aki lo por yega na e funcion ey hopi mas facil, ya cu e ta maneha e tereno, materia y idioma, etc...

Control

E mandatario a trece como ehemplo, e maneho cu Hulanda a bin cu ne pa protege nan mercado local. E maneho ta cu si nan kier cu un persona den un funcion halto di afo (entre nan Polaconan) pa por yena e funcion, gobierno di Hulanda ta bay mara un salario mas halto di locual nan tin cu paga e persona tambe. Pues e ta un forma pa destimula pa bay busca un persona di afo como negoshi. Esaki ta algo cu naturalmente gobierno di Aruba ta pensan-



do riba dje pa busca cual ta e miho forma pa por destimula personanan pa busca hendenan di afo den funcionnan clave. “Nos tin cu sondea ainda cual ta e forma di mas facil y cu nos por controla,” el a bisa.

Pa loke ta e Departamento di Progreso Laboral (DPL)

ta haciendo sondeonan importante riba nos mercado, el a bisa.

Na momento cu e minister concerni ta ricibi e consejo cu tin diferente candidato pa yena un vacatura local, logicamente e empresa no lo ricibi un consejo positivo pa un funcion asina, minister Croes a bisa. □

E prome Unity Soca Challenge

ORANJESTAD - Ayera mainta durante un conferencia di prensa, sr. Michael Carty vocero di stichting Musica a anuncia un caminata cu lo tuma luga mañan 4 di januari pa 4or y mey di atardi.

E caminata ta di 5 km y ta costa 10 florin, na Carnival Village San Nicolas. Esaki ta

e prome actividad relaciona cu carnaval 61. E caminata aki ta diferente na otronan, segun sr. Carty e caminata lo tin un “fun twist”. Ta asina cu lo tin diferente skina cu “Soca Challenges”, cu e participantenan mester haci. Un cantidad di musico ya a confirma nan presencia pa e Unity Soca Challenge manera ilustra riba e potretnan. □

Resumen Corte 2014

Dokter cu a causa morto di dama su castigo ta keda 4 aña di prizon

ORANJESTAD – Un caso cu a conmove henter comunidad ta e lamentabel caso di e dokter falso cu a bin Aruba pa haci tratamiento di un cantidad di dama caminda e tabata inyecta un tipo di likido pa yena atras. E tratamiento aki a causa cu un dama a fayece y Ministerio Publico a apela e sentencia contra e sospechoso Jose Gregorio Guaimacuto Rojas cu a haya 4 aña di prizon. Hof a confirma e castigo aki y a rechasa e demanda di Procurador

General cu tabata 8 aña di prizon.

Durante tratamiento di e caso, Procurador General a mostra cu e ta haya cu e sospechoso Guaimacuto Rojas intencional a haci mal practica cu a causa morto di e dama y a exige 8 aña di prizon manera Fiscal a exige den Corte den Prome Instancia.

Hof no a bay di acuerdo cu e ponencia di Procurador General y a confirma e castigo impone pa Corte den Prome Instancia. Esey ta nifica cu e

castigo di Guaimacuto Rojas ta keda 4 aña di prizon.

Hues di Corte den Prome Instancia den su sentencia a mostra cu e ta haya proba e parti subsidiario di e prome acusacion esta maltrato premedita cu consecuencia morto y no e prome acusacion morto intencional. Hues ta haya cu intencionalmente e sospechoso a causa dolor na e victima.

A manda inyeccion grandi den bil di victima. Hues a mostra cu si e pashent a duna

aprobacion pa e tratamiento, e ora ey ta otro cos.

El a splica cu segun ley mes- ter tene cuenta si e e pashent a wordo debidamente splica di e complicacionnan. Na opinion di Hues, esaki no a sosode.

El a mostra cu e sospechoso a pretende di ta un ciruhano estetico siendo cu e no ta. Hues ta haya legalmente proba cu door di mal inyeccion haci, e victima a fayece. Hues a condena Guaimacuto Rojas na 4 aña di prizon. Hof a confirma e sentencia. □



Resumen Corte 2014

Sospechoso involvi den asesinato banda Club 21 condena na 2 aña di prizon

ORANJESTAD – E caso di asesinato banda di Club 21 riba 30 Juni 2013 a conmove henter comunidad. Mas ainda cu su siguiente dia tabatin reglamento di cuenta y a tira un persona mata na Tanki Flip.

E video di e asesinato a wordo pasa den Corte y tabata horibel pa mira con e victima a wordo tira mata. E autor di e tiramento, Geerman y un otro a huy bay for di Aruba y te dia di awe ta fugitivo.

E sospechoso Franklin Herts a wordo deteni y condena. Corte den Prome Instancia a dicta sentencia den e caso penal contra Franklin Herts cu ta wordo acusa di complice di asesinato, menasa cu arma y

posesion di arma di candela.

No culpabel di complice
Hues ta haya cu a base di declaracion di personanan y video, ta sali na cla cu e sospechoso Herts no ta esun cu a tira Graciete mata. Si por mira cu algun momento prome cu e asesinato e tabatin e arma. Hues a mostra cu dia 14 Januari 2014 den su declaracion na Recherche, Herts a admiti esey. Herts a declara na Recherche cu contra su boluntad Geerman a kita e arma for di dje. Na opinion di Hues, si bay tras di e declaracion aki, no por acusa Herts di complice. Sinembargo Hues no ta kere Herts su declaracion. Hues a mostra cu Fiscal a remarca corectamente cu ta te na ul-

timo, e sospechoso a admiti cu e tabatin un arma. prome el a desmenti y para riba cu ta un boshi yabi e tabatin den man. Tambe e hecho cu e lo a kita e arma den Club 21 no tin ningun confirmacion riba esaki. Hues a mostra cu riba video por a mira cu Herts a Sali, arma e pistol y menasa hendenan cu e arma. Hues a remarca cu e reaccion di e sospechoso Herts despues di tiro, no ta mostra cu e tabata preocupa.

Ariba video por mira e sospechoso a cana bay mientras cu tabatin confrontacion. Despues e ta bolbe na e auto cu cual el a bay Club 21. El a wordo blokia door di hendenan pa por dreña su auto. Diripiente por a mira cu

Geerman a cana bay cu velocidad riba e sospechoso. Hues a bisa cu por ta cu e sospechoso a spanta e momento ey. Na opinion di Hues, ariba e video di siguridad, no por mira cu Geerman a ranca e arma y no tin claridad kico a sosode banda di e auto.

Hues a mostra cu e declaracion di e sospechoso Herts cu Geerman a ranca e arma, no por a mira esaki. Tampoco no por bay solamente tras declaracion di un testigo cu ta bisa cu el a mira e sospechoso pasa Geerman e arma.

Hues a conclui cu no por bisa cu Herts ta complice di e asesinato. Hues a bisa cu e si ta haya proba cu riba 30 Juni 2013, Herts a menasa Gracie-

te cu un arma. Tambe Hues ta haya proba cu Herts tabata den posesion di arma y bala.

Castigo

Pa cu e castigo, Hues a bisa cu e ta tene cuenta cu Herts a tuma parti na un violencia publico y tabata arma cu un pistol. A crea inseguridad den comunidad.

E arma aki a wordo uza pa mata un hende. Tambe cu anterior Herts a yega di haya condena pa un caso di violencia. Hues a condena Herts na 3 aña di prizon di cual 1 aña ta condicional cu un tempo di prueba di 2 aña.

E Fiscal cu a exige 8 aña di prizon a bisa Hues cu e lo bay pensa ainda si ta apela e caso. □

Resumen Corte 2014

Entre 8 luna y 1 aña y 6 luna di prizon pa grupo di Venezuela cu a bin Aruba pa uza credit card falso

ORANJESTAD – Corte di Husticia a baha pisa riba un grupo Venezolano cu a bin Aruba especialmente pa hit luganan cu credit card falso. E sospechosonan ta Dana Guerra Espina, David Adames Acevedo, David Reyes Vargas, Franklin Ramirez Contreras y Johnny Barroeta Jaimes.

Sentencia

Hues a bisa cu e ta haya legalmente proba cu Ramirez Contreras ta complice di uza credit card falso y tambe di ta

forma parti di un organizacion criminal.

Hues ta haya cu den forma organisa y hunto cu otro nan a haci fraude di credit card. Hues a bisa cu for di e investigacion ta mostra cu Ramirez Contreras tabatin e rol organizatorio y a falsifica gran cantidad di credit card. Hues ta haya cu Ramirez Contreras a traha den forma profesional caminda el a uza e otro nan pa nan haci comprasnan cu e credit card falso.

Investigacion a mostra cu a haya nan cu hopi credit card

falso. Na opinion di Hues, esaki ta causa cu por perhudica, negoshinan y banconan. E uzo di credit card falso a atacha e confianza den uzo di credit card den comercio.

Pa cu e castigo, Hues a bisa cu e ta tene cuenta cu ta un first offender y cu Ramirez Contreras a coopera den e investigacion caminda a trece claridad. Hues a condena Ramirez Contreras na 2 aña di prizon di cual 6 luna ta condicional cu un tempo di prueba di 2 aña.

Pa loke ta e otro sospecho-

sonan, Hues a bisa cu nan ta culpabel di complice di uzo intencional di credit card. Hues ta haya Barroeta Jaimes tambe culpabel di duna credit card na otro nan. Tur ta sospechoso di organizacion criminal. Pa loke ta Guerra Espina, Hues a bisa cu e ta tene cuenta cu Guerra Espina tambe a duna claridad den caso.

Guerra Espina, Adames Acevedo y Barroeta Jaimes, Hues a condena condena na 12 luna di prizon di cual 4 luna ta condicional cu un tempo di prueba di 2 aña.

Reyes Vargas, Hues a condena na 12 luna di prizon di cual 2 luna ta condicional cu un tempo di prueba di 2 aña. □



Por spera bishita di Plataforma Ley di Cacho



ORANJESTAD - Ya un grupo di Plataforma Ley di Cacho (PLC) ta cla pa subi caya. E intencion ta pa no tin cacho mas riba caya. Sr. Tito Lacle vocero

di PLC ta bisa cu e aña aki ta spera di mira menos cacho riba caya, despues di e campaña di conscientisacion e ultimo lunanan di aña 2014.

“Cu e conscientisacion, ta spera cu hopi hende a cuminsa adresa e situacion di nan cacho, sea a cera cura of tin looplijn. Si tur cos ta bon mester haya mucho menos cacho riba caya caba.”

Adresa e problema

“Nos no ta un ‘killing machine’, nos no t’ey pa mata cacho,” sr. Lacle a bisa. E grupo ta subi caya, conscientisacion hendenan. El a splica cu por spera control di PLC na cas riba e situacion di e cacho, similar manera ta e caso ora otro instancia ta controla pa Dengue. Multa ta wordo duna si mester, ora cu no ta cumpli cu ley. “E ultimo escenario despues di multa ta, nos

ta bay cu bo cacho.”

Manera nos matutino a trece dilanti den pasado, ora cu nan bay cu e cacho, tin chens pa haya e doño haya e cacho bek, sino ta busca otro localidad pa e cacho pa sigura cu e ta haya un bon cas.

A puntra sr. Lacle con ta pensa di baha e cantidad di cachonan riba caya y si tin idea di cuanto cacho tin actualmente riba caya. El a bisa cu tin cifra di algun aña pasa cu ta indica cu tin mas o menos 20 mil pa 30 mil cacho riba caya, esaki kisas ta 40 mil cacho aworaki.

Di e 40 mil cachonan aki, 80 % di nan tin doño. “Nan ta riba caya un rato despues

ta bay bek nan cas.” 20% ta encera e cachonan cu a nace y broei riba caya. Esaki ta e cantidad segun sr. Lacle ta splica, cu depende na nan condicion, lo trata nan na un forma humano y dicidi kico ta pasa cu nan. Den caso cu mester pone nan drumi esaki lo sosode. Por spera cu PLC ta cuminsa cu esaki final di luna di Januari.

Puntonan importante

Cacho mester ta den cura. Looplijn ta un solucion recomienda cu ta facil y barata. Ora di cana cu cacho e mester ta na liña. Cacho mester tin awa, cuminda y sombra e mester ta manteni den bon condicion. □

Alto Comisario Dolfi Richardson

“Enfoke 2015: Frena desaroyo negativo bou di hubentud”

ORANJESTAD - Aña 2014 tabata druk pa cuerpo policial segun Alto Comisario Dolfi Richardson. Cuerpo policial ta den e proceso di mehora e organisacion den e banda di ekiponan necesario pa eherce trabou na un manera optimal. Banda di esaki e desaroyo negativo bou hobennan den comunidad ta algo cu lo haya hopi atencion e aña aki.

Como Arubiano nos por ta orguyoso cu tin un cuerpo policial cu ta traha incansablemente pa percura pa e seguridad na Aruba, segun sr. Richardson. Aunke cu tin un desaroyo menos positivo den e sorto di delitonan cu

ta wordo cometi awe, pa personanan basta hoben. “Esaki ta un punto di preocupacion di cuerpo policial y lo enfoca riba esaki den 2015 segun sr. Richardson.

2014

Cuerpo policial a conoce temponan menos faborabel cu ta pone cu el a crece como organisacion, sr. Richardson a bisa. “Cuerpo policial ta un organisacion hopi critico cu su mes y su funcionamiento. Nos ta tuma bon nota di tur feedback pa trata na mehora e organisacion mas posibel. Mi ta contento di representa un organisacion asina hoben cu ta dedica na tene Aruba sigur.” Cuerpo policial constantemente ta innovando

y polisnan ta haya e oportunidad pa atende cursonan aki y den exterior. Segun sr. Richardson, Cuerpo policial di Aruba ta un di e miho cuerponan y ta cay bou di esunnan cu ta miho prepara. Esaki ta wordo expresa na conferencianan den exterior. Pero tambe durante presentacion nan di polis di exterior na Aruba.

Siguridad bou ciudadano

No tur ora por complace tur hende, y ta trata na percura pa tin suficiente polis presente na diferente ocasion y riba e careteranan. Tabatin algun caso tragico den trafico e aña aki tin record di cantidad di accidentenan fatal den trafico cu tabata hopi significativo



menos cu tur añanan anterior. Cuerpo policial ta haya hopi peticion pa pone mas polis den barionan. Segun sr. Richardson esaki tin su atencion y ya a cuminsa aña pasa cu mas polis den e bario di San Nicolas. Cu esaki ta spera di trece un sentido di seguridad bek bou di e ciudadanonan. Esaki lo ta e caso pa otro barionan e aña aki

tambe.

Mas polis

Sr. Richardson a bisa cu tin hopi mas polis riba caya cu antes, esey ta algo cu tur hende por comproba pa nan mes. “Si tuma Corsou como ehempel, bo por core 30 minuut riba caya sin wak polis, na Aruba esey ta casi imposibel.” □

Presidente di parlamento Marisol Lopez-Tromp

“2014 tabata un aña masha peculiar pa parlamento”



ORANJESTAD - Segun presidente di parlamento Marisol-Lopez Tromp aña 2014 tabata uno masha peculiar pa parlamento. E aña 2014 no ta comparabel cu ningun otro aña den parlamento.

Den e aña 2014 parlamento a conta cu hopi falta di personal. Pero ya caba ta den proceso di haya personal nobo profesional pa duna parlamento e trabou sosten cu e mester. Aparte di e echo cu hopi reunionnan publico a tuma luga y a pasa un cantidad di ley. Sr. Lopez-Tromp ta comenta cu tambe a tuma luga e

drama di e presupuesto. E ley di e presupuesto cual ta e ley mas importante den pais, segun sra. Lopez-Tromp no a pasa na momento cu nan a trata esaki. E ley a haya su mes cu hopi tardansa y e presupuesto a wordo firma na ultimo momento, casi na fin di aña. Esaki a trece cu ne hopi consecuencia pa parlamento di Aruba. Awo caba, gobierno ta cuminsa prepara pa presupuesto 2015 y lo trata esaki asina cu e wordo ricibi.

Reunion di reino

Riba dia 13 di december di 2014, Bon Dia Aruba a publica cu re-

unionnan interparlamentario di Hulandes, cual ta e cooperacion den reino entre Aruba, Corsou, Sint Maartin y Hulanda lo tuma luga na Aruba. Aruba lo ta e pais anfitrión di e reunionnan aki cu lo cuminsa dia 5 di januari 2015. Segun sra. Lopez-Tromp. Den reunionnan, aparte di e topiconan ordinario manera educacion, social y salud etc. Tambe lo tin algun topico pica riba agenda. E representantenan di diferente parlamentonan lo ta akinan na Aruba, no solamente presidentenan, pero tambe miembronan di comisionnan den reino. Delegacionnan lo reuni y bin cu solucionnan den e reunion aki. □

Director di RBC Bank sr. Pierre Rafini

2015 lo ta uno dificil pa comercio ya cu poder di compras por bay atras



di e Asociacion di Banco, ta kere cu pa 2015 nan ta spera ainda mas cosnan positivo. Esaki apesar cu e ta mira cu 2015 lo ta uno dificil pa comercio; y tambe pa e persona individual tambe.

Mirando cu nan ta premira cu poder di compras por bay atras.

Diaranson, ultimo directiva di e banco hunto cu empleadonan tabatin un celebracion pafo di nan oficina di caya principal, caminda den un ambiente festivo nan a cende nan tradicional pagara dilanti di nan sucursal aki. □



ORANJESTAD – Den cuadro di celebracion di fin di aña, director di RBC Bank sr. Pierre Rafini a declara na Bon Dia Aruba cu aña 2014 tabata “uno yena cu retonan; pero no pa RBC so sino pa economia en general.” Na aña 2014, e banco aki a cuminsa ehecuta un proceso di reorganizacion cu a inclui un reduccion di su personal.

cu e poder di compras a bay atras.

Pero e ta kere cu manera tur otro instancia RBC Bank tabatin un aña satisfactorio.

“E empleadonan ta contento. Nos a haci un par di transaccionnan masha grandi mes cu ta yuda economia di Aruba, mi ta kere pa e sigui bay dilanti,” el a declara.

Poder di compras

E bankero a indica cu tabatin diferente ahustacion cu a wordo introduci cu a haci

Sr. Rafini kende tambe ta fungiendo como presidente



Relojes
Pulseras
Cadenas
Dijes

Nos ta graba tur sorto di articulo di metal yama of bishita nos

Tanki
Leendert 178-A
Tel: 587 3940
Fax: 587 2478
Cell 592 9055
email: adalbertovilla@live.com

“COMPRA Y VENTA”

Bachue
Joyeros

Compramos
Vendemos
Arreglamos todo tipo de Joyas
Contamos con un Buen Surtido de
Pulseras y Baterias para Relojes
Habri di Dialuna pa Diasabra
9:00am pa 1:00pm y di 2:00pm - 6:00pm

Abo!

No tin tempo
pa Laba y Seca bo
Pañanan!

Pasa y Laganan na:

AQUA
LAUNDRY

Habri di Dialuna pa Diasabra
7:30am non stop 7:30pm
Diadomingo de 9:00am - 1:00pm

Tel: 587 0772



IMF:

Caribe ta atrae menos turista compara cu otro region turistico


ORANNJESTAD – E Fondo Monetario Internacional (IMF) a haci un estudio riba e desaroyo turistico den Caribe. E conclusion no ta uno positivo: Caribe ta atrae menos turismo compara cu otro parti di mundo.

E resultadonan a sali na december. Mester enfatisa cu e investigacion ta basa riba cifranan di e periodo 2000 pa 2013 di 16 pais Caribense. Aruba no tabata un di e paisnan aki. Pero e investigadonan a crea un index cu nan

ta bisa por aplica pa otro paisnan Caribense cu no tabata forma parti di e estudio.

Locual a investiga ta e factornan principal pa turista bin pasa vakantie na Caribe. Pues a wak e di unda e turistanan ta bin, kico nan ta gana y e prijsnan na e destino turistico.

E investigadonan a crea e index 'week at the beach' pa asina por compara e gastonan nominal di production turistico di destinacion turistico rond mundo. E indice aki ta



Danki
pa e sosten den 2014
Lotto ta sigui cambia bida den

LOTTO DI DIA CAT4CHI
MINI MEGA MEGA PLUS
LOTTO 5
RASPA BIG 4
KORSOU ZODIAC

2015

Feliz Año Nobo

Lotto
www.lottoaruba.com

comparable, nan ta bisa cu e 'Big Mac Index' cu e revista The Economist a inventa pa den un forma mas comprensibel por compara costo di bida internacionalmente.

E indice 'week at the beach' ta sigui e mesun concepto y ta compara e prijs averahe di un camber den un hotel di 3 strea; e tarifa di taxi riba e ruta aeropuerto pa hotel; 2 cuminda cu no ta mucho caro y uno cu ta un tiki mas caro y bebida (2 liter di awa, un cerbes di un marca importa y 1 koffie pa dia).

E conclusion ta cu e gastonan ta mas haltu, pasando un vakantie na Caribe, compara cu otro region turistico na mundo.

No tin un diferencia significativa tampoco entre e teritorionan cu ta mas desaroyo (esun cu ta forma parti di Merca, Gran Britania y Hulanda, manera Aruba) y e

resto di Caribe, segun e investigacion.

Considerando e resultado aki, e investigadonan ta bisa cu e gastonan mas haltu, e calidad di servicio y di e production turistico ta birando mas importante si e paisnan Caribense kier keda competi cu e otro regionnan turistico cu ta mas barata.

Recomendacion

Pa motibo cu e paisnan Caribense nan economia ta asina dependiente di turismo, e investigadonan ta conseha pa tene cuenta cu nan resultadonan. Pasobra esaki por tin un impacto grandi riba e estabilidad economico di e region.

Nan ta recomenda pe paisnan ta reevalua nan production turistico pa mira si realmente nan ta di calidad pa atrae e turista cu ta gana e placa pa por paga e prijs haltu.



Trendo 2015 pa energia duradero

ORANJESTAD – Aki 5 aña Aruba mester draai completamente riba energia duradero, segun e vision di nos gobierno actual. Esaki ta encera entre otro cu tur energia cu nos ta uza, mester ta di fuente nan di energia sostenibel.

Segun e ultimo informacion di gobierno, ya nos a cumpli cu 50%, pero gobierno ta admiti cu e otro mita ta mas dificil pa logra. Fin di e aña aki Urirama cu 8 molina mester ta cla y cuminsa genera energia pa WEB produci coriente y awa.

E parke di solar na aeropuerto ta den produccion caba. Pero ainda falta y e añanan dilanti nos lo mira cu scolnan ta haya dak di solar y e enfoke ta keda riba e uzo. Pues pa baha e uzo tambe di combustibel manera gasolin y diesel. Den esaki por mira cu gobierno kier mira masa autonan core riba coriente riba nos isla. Pero e vehiculonan aki ainda ta caro pa mayoria di hende.


Un otro punto cu ta rekeri mas atencion, ta e cantidad di avion cu ta trece turista.

Transportacion den aire ta creciendo na Aruba y avionnan ta bula riba kerosin, un fuel cu no ta duradero. Tambe e trafico tin un impacto negativo riba e calidad di aire. Na december un investigacion haci den bisindario di Schiphol, Hulanda, a sali den noticia cu ta muestra cu e efecto riba salud ta mas grandi cu semper a pensa. Habitantenan den e area aki ta biba menos largo, segun e investigacion di TNO.

Trendo

Mundialmente e aña aki diferente fuente riba tereno di energia duradero ta indica cu energia solar lo crece mas. E beneficianan economico tambe ta asina cu e mercado aki ta sigui crece.

Y tambe den paisnan subdesaroya. Segun expertonan por mira mas paisnan unda ener-



gia solar ta hasta mas barata cu energia fossiel sin cu gobierno mester subsidia esaki. Un factor hopi importante ta keda wardamento di ener-

gia duradero. Genera energia solar of di biento ta algo facil compara cu warda e energia (bateria) cu ta caro. Expertonan ta mira cu e prijs-

nan lo baha mas e aña ki, pero te ainda esaki ta keda un obstaculo pa hende y compania cambia pa bay over na energia duradero.

Ta spera e aña aki si cu mas y mas hende mundialmente lo scoge pa un auto electrico. Modelonan nobo lo bin riba e mercado y prijsnan lo baha tambe.

Tambe ta premira cu lo bin mas y mas aparato y tecnico cu ta rekeri menos energia sea ta traha mas eficiente.

Pa hopi cientificonan y tambe empresarionan esaki ta un mercado grandi ainda y unda por spera hopi mas innovacion. Solamente e innovacion aki ta falta atencion compara cu innovacion riba tereno di energia alternativo.

Finalmente, e expertonan ta mira cu energia di biento tambe ta algo cu ta keda crece, pero nan ta spera cu proyectonan di molina lo enfrenta mas oposicion. E energia aki ta mas barata compara cu energia solar y e expertonan ta spera cu esaki ta un factor cu por convence opositor di e beneficianan na final. □

Fingerprint copia di un potret normal

ORANJESTAD – Un miembro di un red internacional di hacker a declara cu el a logra di copia un fingerprint di e minister di Defensa di Alemania a base di un potret.

Jan Krissler ta yama e hacker, segun BBC, y e ta miembro di Chaos Computer Club. Durante un conferencia pe miembronan, el a splica kico el a haci. El a uza potretnan saca cu un camara normal durante un conferencia di prensa di e minister Aleman na october aña pasa. Despues el a duplica esaki uzando software comercial. Pues cu ta disponibel y por cumpra riba mercado. Sr. Kissler ta bisa cu e no tabatin un print mes di e dede grandi di e mandatario. Solamente e potretnan saca di diferente angulo y uno cu a saca di cerca di su duim. Riba e conferencia di e club, cu mes ta bisa cu nan ta e asocion mas grandi di hacker na Europa, sr. Kissler ta sugeri pa politiconan awor cuminsa bisti handschoen ora ta pre-




senta den publico.

No ta safe

Fingerprint ta uza hopi pa identificacion y den ramo di seguridad. Pa varios aña tin e desaroyo di uza mas metrico biologico, manera print di man, cara, dede, wowo, pa hisa e nivel di seguridad. Pasobra di cada hende, e metrico ta unico.

Pero esaki specialistanan ta advertiendo tambe cu e uzo no ta sin fay. Y specialmente fingerprint ta considera awor como un metodo cu no ta hopi sigur. Pero ainda e metodo aki ta birando mas

popular. Por ehemplo na trabou, pa habri caha fuerte y tambe mas y mas marca di telefon ta uzando fingerprint como medida di seguridad. Aña pasa gobierno a uza fingerprint tambe pa identifica votadonan durante e eleccion pa un presidente nobo.



Paspoort Aruba

Na Aruba ta uza fingerprint entre otro pa paspoort. Desde 21 di september 2009, ta tuma fingerprint ora aplica pa un paspoort nobo. "Ta tuma dos fingerprint electronicamente y tur fingerprint ta keda reg-

istra den e administracion di paspoort", asina ta para riba e website di gobierno. Lo registra e marcanan di dede den e chip cu e paspoort tin. Te na momento cu entrega e paspoort, ta warda e marcanan di dede den e administracion di documento di biahe. Despues cu e persona haya e

paspoort, ta saca e marcanan di dede for di e administracion y nan ta keda warda unicamente den e paspoort mes.

Fingerprint 'bibo'

E problema cu e marcanan (print) aki ta cu por copia e informacion statico aki basta facil, segun expertonan. Pues awor ta desaroyando otro metodo, unda e metrico biologico no ta statico pero 'bibo'.

Por ehemplo un metodo cu ta scan e adernan den dede. Esaki ta traha solamente ora e dede ta pega na un persona biba. Pues cu un print of un 'potret' e no ta funciona. Y tin banconan caba na otro pais uzando e metodo aki pa identifica cliente cu kier saca placa na ATM. □



Karolina Span:

“Mi famia ta practica diferente ritual pa aña nobo”



ORANJESTAD- Tur hende ta habri aña den propio manera. Karolina Span ta

conta Bon Dia Aruba cu su famia ta practica diferente ritual pa habri e aña.

Segun sra. Span den su famia tin cosnan cu mester wordo haci ora aña bolter. Riba dia 31 di december, su mama cu ta parti Indjan y Spaño ta prepara diferente ritual cu e ta practica desde tempo e ta mucha. E ta cuminsa pa haci e cas completamente limpi y ora esaki ta cla e ta sencia cas cu diferente tipo di sencia manera: paz, amor, felicidad etc. Tambe nan ta tira hopi klapchi paso e zonido lo spanta tur cos malo y atrae

cosnan bon. Despues di tur esaki e famia di sra. Span ta pela 12 druif. Esaki ta un tradicion Spaño. Tur hende mester bebe nan champagne y come 12 druif prome cu e minuut bolter.

E 12 druifnan aki ta simbolisa fortuna. Sra. Span ta conta cu den famia e la bira manera un competencia pa wak ken ta come e 12 druifnan prome. E cas ta ricibi su bendicion, pues e ta wordo baña cu champagne cual tambe ta un tradicion Spaño. Ora tur esaki wordo haci, e ora ta desea otro un bon aña.

Tur aña mas tradicion Paso sra. Span su tata ta Hurlandes, awo tambe e famia a incorpora come olliebol riba dia 1 di januari. Tambe e ta importante pa e hombernan di famia tin biyete den saco dilanti y placa larga den saco di patras. Aunke cu segun sra. Span su mayornan no corda di unda nan a haya e tradicion e, ainda nan ta haci esaki.

Sra. Span ta conta cu e personalmente ta un hende hopi supersticioso y mas e hende e conoce, mas tradicion e ta practica ora di aña nobo. Desde bisti panty geel te na,



limpia tur su pertenencianan, te na tin algo cora den su cartera. E ta kere den practicamente tur cos. □

Anggie Gonzales:

“Yena un popchi cu paña bieu y kima e”

ORANJESTAD – No tin duda cu pa ora aña bolter, ta tur sorto di tradicion tin. Anggie Gonzales ta conta cu pa prome biaha e aña aki su famia a yena un popchi cu paña bieu. Hinc klapchi den dje y

kima esaki.

Esaki ta den plan pa bira un tradicion, sra. Gonzales ta conta.

E pañanan cu no ta yega nan mas ta wordo kima ya cu nan ta representa mal energia. Pa

medio di kima tur e mal energia aki por duna bon bini na e aña nobo cu bon energia y prosperidad. Sra. Gonzales ta bisa cu nan a warda 12or bati pa asina por cende e popchi y wak e te ora e kima bira nada. □



Jurina Lanoy Maduro:

“Mi a habri aña cu un sunchi di mi casa”



ORANJESTAD - Tur hende tin nan manera di habri aña. Jurina Lanoy Maduro ta conta Bon Dia Aruba cu e la habri 2015 cu un sunchi di su casa.


Segun sra. Lanoy Maduro, esaki ta e cu su pareha nan prome aña na nan mesun cas.

Pa e motibo ey, su mama, tata, welo, wela y demas famia a bin habri aña cerca nan.

Nan a comparti cuminda y bebida. Pa 11:45 di anochi nan a sencia cas y haci oracion. 11:50 e famia a cende radio pa e conteo final di aña, mientras e muchanan tabata

tira klapchi bou di supervision di adulto.

Sra. Lanoy Maduro ta comenta cu e ultimo 10 seconde di aña, nan tur a conta hunto. Su ruman chikito a cende e pagara y tabata tin aplauso y grito ora e pagara a caba. E famia a bendiciona otro y fiesta a sigui. □



35 aniversario di Ann's Choir na Misa di Aurora na Dakota



ORANJESTAD – Desde 1979, Ann's Choir bou direccion di sra. Anna Yearwood ta compaña religiosamente tur aña na luna di december e celebracion di Misa di Aurora na Misa Birgen di Fatima na Dakota.

E periodo di dia 16 te cu dia 24 di december ultimo, no tabata un excepcion, ya cu sra. Anna hunto cu su coro tabata t'ey. Kiermen esaki tabata e di 35 aniversario cu Ann's Choir a participa den e Misa di Aurora, "cu poder

di Dios" manera su directora mes ta bisa.

Vocacion musical

Sra. Anna ta organista y e tin dos coro, un di mucha y un di adulto esta Ann's Choir. E ta haya importante pa sigui stimula e futuro generacion den nos tradicion y cultivan vocacion y habilidad musical. Cu su 14 aña, sra. Anna a cuminsa duna les te dia cu el a cumpli 60 aña. Aunke el a stop cu dunamento formal di les di musica, ainda na Misa Metodista unda e ta toca pa 40 aña largo, cynan tin un



persona cu el a duna les. E persona aki apesar di su limitacion ta toca un tiki cu su man drechi.

Sra. Anna su vocacion musical ta uno geneticamente hereditario. Sra. Anna su tata tabatin su mesun banda musical, esta "Sonora del Caribe", y otro agrupacion mas. "Semper nos tabatin musica

na nos cas," el a declara durante un entrevista cu Bon Dia Aruba.

Famia musical

Sra. Anna su famia ta uno di musico. E ta bisa cu tur su seis ruman a siña toca un instrumento. Ademá di su habilidad como organista, e tin un bos maravioso y masha singular. Sra.

Anna su timbre di bos ta resalta den e coro y e ta marca e nota musical. El a relata nos cu desde dia cu el a cuminsa haya les di piano cu apenas 8 añito, el a cuminsa canta tambe.

"Ami ta gusta cantamento" el a bisa. "Den nos cas semper tabatin cantamento," el a bisa. □



KOORYMAN

DEAL OF THE WEEKEND

PARSON BRIEVENBUS

- Arma completamente y cla pa instala
- Traha di material polypropylen duradero y cu UV coating cu ta protege di condicion di tempu y ta inoxidable
- Dimension: 51,8 x 25,4 x 20,5 cm

34.⁹⁹
27.⁹⁹



of 1120 Fun Miles



Valido di diabierna 2 di Januari te/cu diadomingo 4 di Januari 2015, tanten cu tin den stock.



Kooyman Megastore Aruba Av. E. J. (Watty) Vos 20 •

Dialuna - Diasabra: 7am - 6pm • Diadomingo 9am - 1pm •

www.kooymanbv.com • facebook.com/kooyman.megastore.aruba

Trend pa 2015: no haci dieet

ORANJESTAD – Un año nobo y tur caminda promocion ta sali pa hende baha pesa. Pero e ultimo añanan dietistanan ta conseha pa preferibel no uza productonan di dieet.

Hopi cuminda special pa baha peso, tin ingredientenan artificial. Tambe nan ta procesa. E trendo awor ta pa no

haci un dieet cu e cuminda special aki. Pero pa come menos y come productonan saludabel. Pues berdura, fruta, noot y proteina (no hopi vet). Un otro trendo ta pa traha hamburger, pizza cu ingredientenan mas saludabel. Y ora tin fiesta pa cambia e chips y otro snacks pa snacks saludabel. Nada nobo, pero locual si por mira cu mas supermer-

cado ta bende snacks mas saludabel.

Pisca

Un cos cu ta keda bou alerta, ta pisca. Na Aruba nos tambe ta gusta come pisca, pero hopi pisca bendi no ta di nos lama. Restaurantnan aki ta cushina cu pisca importa tur caminda, pero hopi biaha e pisca ta bin di Asia unda ta cultiva

pisca. Pagansius, Tilapia pero tambe cabaron. Na Aruba ta uza piscanan manera Pangasius y Tilapia tambe pa traha Keri Keri of balchi pisca.

Locual ta importante pa sa ta cu e piscanan di Asia hopi biaha tin bacteria cu ta haci cu hende ta bira resistente contra antibiotica. Semper mester cushina e piscanan aki y tambe e cabaronnan (mayoria



bendi no ta di Aruba) bon, pa evita e bacteria ta drenta nos curpa. □

Drumi trempan pa cumpli bo resolucioannan

ORANJESTAD – Un año nobo y yen di promesa pa mehora bo bida? E ora cuminsa drumi trempan, asina investigadonan di Universidad di Hertfordshire ta duna como conseho.

Segun nan investigacion soño ta e yabi pa por cumpli cu bo resolucioannan nobo. Falta di

soño no ta yuda y tin e efecto cu ta keda e año sin cumpli. 1000 persona a participa na e investigacion. Di tur e participantenan cu ta drumi bon, mas cu 60% a cumpli cu nan resolucioannan. Di esunnan cu ta falta soño, 44% no a cumpli. Nan ta drumi menos cu 7 ora anochi.

Segun e investigadonan ora hende ta cansa nan ta perde

control. Nos celebros mester di energia pa asina nos por haci algo cu no ta facil pa nos por cumpli. Tin hende cu ta lanta trempan pa por cumpli cu nan promesanan nobo. Pero e investigadonan ta conseha: miho keda drumi un tiki mas.

E mesun investigadonan ya a haci un estudio caba bou di personanan cu a haci reso-

lucioannan nobo fin di año. A resulta cu fin di januari di e año nobo ya casi 80% di e hendenan a lubida riba nan promesanan.

Otro investigacionnan tambe a muestra caba con importante e ta cu hende ta drumi suficiente. Falta di soño ta haci daño na bo salud. Y hende cu ta drumi menos, ta biba menos saludabel den sentido cu nan ta come menos saludabel y no ta move suficiente. Un investigacion Mericano a muestra cu na Merca hende ta drumi 1 pa 2 ora menos compara cu e añanan 60. Un di e motibonan cu hende, y tambe hoben, ta drumi menos, ta e uzo di tablet y tele-



fon den oranan di anochi. E luz blauw di e aparatonan y tambe e necesidad di keda alerta constantemente ta haci cu hende ta bay drumi mas laat. □

‘Medicina’ contra griep: mas brasa

ORANJESTAD – Tabatin basta hende malo cu griep durante e dianan di fiesta na Aruba. Pa evita cu e año aki mester pasa riba cama atrobe durante Pasco y Año Nobo: cuminsa brasa mas.

Hende cu tin menos conflicto social y cu ta haya/duna mas brasa, ta resulta di ta miho proteha contra griep. Un investigacion Mericano ta muestra cu mas brasa bo ta haya, miho bo sistema di inmun lo bira.

E investigadonan ta di e Universidad di Carnegie Mellon y nan a publica e resultadonan den e revista ‘Psychological Science’. Nan a entrevista 400 hende riba e sosten social, conflicto y e cantidad averahe di brasa cu nan ta haya diariamente. Despues a infecta e personanan aki cu un virus di griep inocente. E pashentnan a keda den un luga isola pa mira con serio e sintoma lo presenta.

Locual a resulta ta, cu e sintoma di e personanan cu a



bisa cu nan tin hopi sosten social y menos conflicto, tabata menos serio compara cu a indica cu tin menos sosten y mas conflicto. Segun e investigadonan tin indicacion fuerte cu e cantidad di brasa tin un impacto y mas brasa, miho proteha contra infeccion. Nan no ta sigur con esaki ta traha, pero contacto fisico, sosten y intimidad ta factornan cu segun e investigadonan ta parce tin un efecto positivo. Y esaki nan kier sigui investiga pa asina haya mas informacion con exacto duna brasa y proteccion contra griep ta relata cu otro. □

Seaport Casino
ta presenta

BIGGER BETTER BINGO

New Year's Edition

DIADOMINGO
4 di JANUARI, 2015
Cuminsando for di 1 pm na Renaissance Convention Center

5x AWG 500,-

Bingo = AWG 50,- pa carchi di 10 wega
Progressive = AWG 3,- pa carchi di 6 wega

PROGRESIVO TA MAS CU AWG 23.000,- (si esaki no wordo gana prome)

Wega 1 AWG 1500	Wega 7 AWG 3000
Wega 2 AWG 1500	Wega 8 AWG 3000
Wega 3 AWG 1500	Wega 9 AWG 5000
Wega 4 AWG 1500	Wega 10 Progressive
Wega 5 AWG 1500	51 te cu 54 jamada AWG 2.000,-
Wega 6 AWG 3000	55 jamada pariba AWG 1.000,-
	Wega 11 AWG 20.000

Hende ta kere den horoscop?



ORANJESTAD – Mescos tin 12 luna den un aña, tambe tin 12 signo den zodiac. Horoscop no ta algo desconoci den sociedad. Tin te hasta un wega den loteria dedica na esaki. Pero hende ta kere den dje? Di berdad? Bon Dia Aruba ta puntra algun ciudadano nan opinion.

Ora aña bolter, ta hopi hende ta pendiente. Sea ta na radio of television pa tende nan pronostico di horoscop pa e aña cu ta drenta. Hende di Caribe cu nan sanger cayente ta hopi supersticioso.

“Mi ta haya cu horoscop por ta algo bon pa hende pasobra e por yuda un persona descubri e direccion den unda e ta bayendo cu su bida. Por ehempel tin hende ta sinti perdi. Pa motibo cu nan ta lesa nan horoscop nan por relata cierto cosnan cu a pasa den nan bida cu e horoscop y e por yuda e persona comprende of ‘cope’ cu e situacion cu e ta aden.

Asina e ta haya un tiki paz, e conseho cu normalmente horoscop sa duna por guia e persona ‘perdi’ aki den un bon direccion. Horoscop por ta bon no paso e ta supuestamente basa riba streanan pero mi ta haya e bon door di e efecto positivo cu e por tin riba e ser humano.” – Edeline Toscano

“Pa ta honesto mi no ta kere den horoscop mucho hopi. E unico motibo cu tin biaha mi ta worry cu ne ta paso pa casualidad mi ta supuestamente un leo y mi ta haya esaki zuiver. Paso leonan ta



representa forsa. Ami ta pensa cu cada persona no ta precies loke su signo ta bisa cu e ta. Anto cu e tin poco cosnan di tur signo na mesun momento. Tur hende ta unico, bo no por bay bisa tur hende cu a nace tal tempo ta tal manera. Mi ta haya tin biaha den momentonan di desesperacion e por ta un bon arma pa cierto hendenan pa haya speransa den un sentido. Mescos cu cierto hendenan ta haya speransa di nan fe y religion.” – Mary Jay Thijsen

“Mi ta pensa horoscop por determina nos futuro, si nos lag’e. Ami ta pensa cu nos como hende ta crea nos mesun realidad. Horoscop

no por totalmente determina un hende su futuro. Loke nos ta wordo bisa door di e horoscop, nos ta pensa y nos

kico nos por encontra den bida. Pero na final di dia, si bo ta confia e universo y bo ta confia cu unda bo ta unda



ta manifesta den realidad. Ami ta haya horoscop por duna nos un perspectiva di

bo mester ta. Bo lo no mester di horoscop, pero tur cos tin su meta den bida.” – Marc Erasmus

“E cos cu horoscop ta, cu si e ta bisa cu bo ta bay tin un mal dia. Y por ehempel un parha pupu riba bo. Bo ta bay pensa cu ta esey ta locual bo horoscop tabata kiermen. Tin ora nos ta tuma situacionnan y combina esaki cu horoscop cual ta haci cu nos ta kere den nan.” – Shanty Da Silva

“Horoscop ta leuk pa lesa, pero algun di nan ta asina generalisa cu nan por relata na ken cu ta.” – Esher Heyliger

“Mi ta haya horoscop algo hopi envano y no hopi preciso. Nan ta manera un cos cu ta existi pa duna hende speransa. Por ehempel, si awe horoscop bisa cu mi ta bay conoce e amor di mi bida

. Tin un chens di 99% cu e no lo pasa. Pero hende ta bira contento con cu bay bin y nan dia ta bira excitante. Mi no ta kere nan ta cosnan cu hende mester tuma mucho na serio.” – Kim Kelders

“Mi ta pensa cu horoscop ta algo cu hende a crea. Mi ta kere cu horoscop a wordo crea pa pone hende kere cu tin cosnan cu nan no por haci riba un dia specifico.

Of cu tin cierto otro hende bo no por bay om cu nan paso nan signo ta bisa esey. Mi ta sinti cu e ta un tiki estúpido y straño pero con cu bay bin hende ta kere den esey y mi ta respeta nan creencia. Ami personalmente no ta kere den e cosnan ey. Niun hende sa di futuro excepto Dios.” – Leonardo Phillips. □

Dama ta yega cas y ta topa casa riba vloer sin señal di bida

TANKI LEENDERT - Diabierna atardi, algo prome cu 4'or, Polis y Ambulance ta wordo manda cu urgencia na un cas un poco pa nort di ex Wan boy na Tanki Leendert.

Na yegada nan ta bin compronde cu un señora a yega su cas y ta haya su casa benta riba vloer, no ta duna señal di bida y mesora e señora a bati alarma. Personal di Ambulance tambe a yega na e sitio y berdad no por a haci nada mas, cu pidi pa un Dokter, aparentemente e cabayero aki lo tabata tin basta rato morto caba, ta trata di J.D. Silonero di 57 aña, biba na Tanki Leendert 14A. □



ORANJESTAD – E doño di auto aki no a cuminsa Aña nobo contento. 1 di januari el a parkeer su auto na e crusada Steenweg cu Kruisweg pa mas o menos 8or y mey di anochi.

Un mey ora despues el a ripara cu su auto a disparce. Mesora el a bay entrega keho, pero un rato despues el a haya e noticia lamentabel cu su auto a wordo kima y laga atras riba e veld patras di Centro Deportivo Betico Croes. □

Auto horta y kima



Paranda di pagara

ORANJESTAD – Manera di custumber hopi hende ta sali riba e ultimo dia di e aña riba un paranda di pagara.

Den Caya Grandi hende local y turista a disfruta di tur

e pagaranan cu e tiendanan tabata tira desde merdia. Sea ta core pa e desordo y huma. Riba potret tambe por mira e pagara di Bright Bakery na Piedra Plat cu tur aña ta para e trafico riba e caminda di St. Cruz pa Paradera. □



Metacorp a clausura 2014 y yama 2015 bon bini cu 6 miyon tiro



ORANJESTAD – Manera ya ta un tradicion caba na Aruba, tur aña dia 31 di december Metacorp



ta cende su pagara tradicional di fin di aña. Di aranson ultimo, esaki no tabata diferente pa exactamente 1 or di merdia e mecha a cende e pagara tradicional di 6 miyon



tiro. E pagara a cuminsa dilanti di The Cinemas na Renaissance Marketplace y ta termina dilanti di Louis Vuitton na Renaissance Mall. Un publico enorme tabata presente



pa presencia e pagara aki. Por a tuma nota con publico a sigui e pagara segun esaki tabata kima, estilo di un Las' Lap. Mayoria cu nan smartphone den laira pa asina



graba e espectáculo tradicional di fin di aña di Metacorp. Y asina, riba ritmo di dande e compania a clausura aña 2014 hunto cu publico presente y a yama aña 2015 bon bini. □



Detencion 'hit& run'



ORANJESTAD – Un persona a keda deteni diahuebs 1 di januari den un caso di hit& run. E sospechoso tabata den un auto


hunto cu un otro persona. Den oranan di atardi nan tabata core riba e caminda di Malmok, a dal un auto y sigui core bay. E victimanan a alerta



polis y duna un descripcion di e auto y e personanan. Na Saliña Cerca, polis a logra topa cu e auto sospechoso cu tabata para den un caminda sin salida. Ambos persona a baha y a

huy, bula den un cura di cas. Un di nan sinembargo a cay y polis a logra di pone man riba dje. E otro a scapa. Polis a confisca e auto pa haci un investigacion. □

PASA LAGA BO AVISO DI LOKE BO KIER BENDE, HUUR, ETC NA OFICINA DI BON DIA ARUBA WESTSTRAAT #22 OF MANDA BO AVISO VIA EMAIL NA: michaelarends@cspnv.com



PERSONAL GRATIS MAX 20 PALABRA - TA ACEPTA AVISO FOR DI 9:00AM - 4:00PM

<p>TA BENDE GANGA - GANGA - GANGA Ta bende gordura ora bo cumpra 3 saco di 50 lbs na Afl. 9 bo ta haya 4 saco y ora bo cumpra 9 bo ta haya 12 saco di gorduro. Pa mas informacion Tel: 564-4456</p>	<p>TA BENDE Un frigidaire marca Magic-Chef 21cu.ft. pa mas informacion Tel: 583-7357 - 5604573</p>	<p>TA BENDE Set di sala Afl. 450,- set di cama queen size di palo puro Afl. 550,- Pa mas informacion Tel: 586-7163 / 563-4687</p>	<p>PROBECHA Cargamento nobo a yega cu prijs special na Leonisa na Piedra Plat 50-C Dialuna pa diabierna 9.00'or pa 18.00'or Diasabra 10.00'or pa 14.00'or Tel: 587-0725 Cel: 592-2308</p>	<p>SERVICIO PUBLICO Pa tur servicio di aircó, • Instala • service • reparacion • Trouble shooting • Duct work y hopi mas. Bubali #20 Pa mas informacion Tel: 587-1472</p>
<p>TA HUUR Apartment na Sabana Basora semi muebla pa 1 of 2 persona max no kids or pets. Coriente apart plus 1 luna borg. Pa mas informacion Tel: 594-9069 - 569-0125</p>	<p>TA BENDE 4 cashi di paña (bon prijs) 1 cacho fila brasilera (6 luna). Pa mas informacion Tel: 561-7112</p>	<p>TA DUNA LES Les di hulandes y papiamento pa mucha di kleuter, Basic school. Yama despues di 2'or. Pa mas informacion Tel: 592-5090 / 583-7381</p>	<p>TA BENDE Pa mucha, hopi sorto di coi hunga, buki, y muchu mas. Nobo y uza, bon pa crèche. Y tin pa give away. Tel: 7350737</p>	<p>TA BENDE Riba GANGA un cama di baby den bon estado marca Legacy. Pa mas informacion Tel: 561-4519</p>
<p>SERVICIO PUBLICO Ta duna servicio pa baña y cuida hende grandi na as y tambe laba herida. Pa mas informacion Tel: 748-5818</p>	<p>TA BENDE I-phone 4S 16GB open phone black nobo pa Afl. 500,- cu case. Pa mas informacion Tel: 745-5550</p>	<p>SERVICIO PUBLICO Nos ta fura tur tipo di muebles y nos lo laga nan manera nobo back. Tel: 5621199 / 5921252.</p>	<p>TA BENDE Patriot Mag Drive NOBO! MD1200-1200GPH Koi Pond & Waterfall Pump. Awg. 295 o.b.o. Pa mas informacion Tel: 732-1104</p>	<p>TA BENDE Matanan di fruta, sorsaka, mango, papaya, tambe motorcycle (scooter) 2007 bon condicion Corchon queen size. Tel: 569-0125</p>
<p>SERVICIO PUBLICO Pa huiswerk begeleiding y bijles den area di Pos chiquito entre 4 - 6or pm Tel: 593-7784</p>	<p>SERVICIO PUBLICA Señora cu firma liber ta ofrece pa haci oficina of cas limpi. Pa mas informacion Tel: 568-2806</p>	<p>SERVICIO PUBLICO Ta duna credit di 10 luna. Ta fura y spuit tur tipo di muebles. Palm Beach #5, dilanti Subway. Tel: 593-2655 / 742-5853</p>	<p>SERVICIO PUBLICO Nos ta traha cura, drecha muraya, verf cas y dak, pleister den temporada di Nov. y Dec. Pa mas informacion Tel: 564-3588</p>	<p>LES DI LANDAMENTO Priva of den grupo, mucha di 3 aña bai ariba. Nos ta prepara mucha pa tur diploma. Profesional den e ramo. Pa mas info. Tel: 594-9069</p>
<p>TA BENDE Un cashi paña di 3 porta pa Afl. 300,- y un stoel recliner pa Afl. 600,- Tel: 568-3185</p>	<p>TA BENDE Suzuki Baleno 2000, body den bon condicion, jega start y bay cune, tire nobo. As is where is. Afl. 2.300,- Pa mas informacion Tel: 563-7049</p>	<p>TA BENDE Un UV light clarifiers filter NOBO! Ta mata alg y bacteria. Bon pa purifika awa di kas y/of Vis pond. Prijs Awg. 325 o.b.o. Tel: 7321104</p>	<p>SERVICIO PUBLICO Pa hasi cas limpi y pa strika pa mitar dia. Pa mas informacion Tel: 743-5966</p>	<p>TA BENDE Caribbean Spiny Lobsters na prijs di wholesale. Live lobsters, Whole Lobsters, Lobster Tails Jumbo Shrimps head on Weekly deliveries Tel: 562-5859</p>
<p>SERVICIO PUBLICO Ta duna servicio pa baña y cuida hende grandi nas cas y tambe laba herida. Tel: 748-3306</p>	<p>TA BENDE Un Suzuki Swift VVT 2009, std, cu aircó den bon condicion. Pa mas informacion Tel: 594-1015</p>	<p>TA BENDE Matanan di fruta, sorsaka, mango, papaya, tambe motorcycle (scooter) 2007 bon condicion Corchon queen size. Tel: 569-0125</p>	<p>TA BENDE BBQ Grill "made In Aruba" duradero, Tipo "bari" Afl. 275,-/cilindro cu tapa pa Afl. 250,- Tel: 593-8182</p>	<p>TA HUUR Bar/Restaurant bon situa na San Nicolas equipa y cla pa opera. Tel: 568-5333</p>
<p>TA BENDE Instruments musical pa forma banda musical Prijsnan ta discutibel. Tel: 594-5025</p>	<p>TA BENDE Suzuki Esteem 2004, Afl. 1.500 (as is where is). Pa mas informacion Tel: 641-4612</p>	<p>LES DI LANDAMENTO Priva of den grupo, mucha di 3 aña bai ariba. Nos ta prepara mucha pa tur diploma. Profesional den e ramo. Tel: 594-9069</p>	<p>TA BENDE Matanan di fruta, sorsaka, mango, papaya, tambe motorcycle (scooter) 2007 bon condicion Corchon queen size. Tel: 569-0125</p>	<p>SERVICIO PUBLICO Señora Peruana ta ofrece pa hasi cas limpi of pa strika paña. Pa mas informacion Tel: 567-0479</p>

Big 4 ta regala hungado e suma di 10.000 florin

ORANJESTAD - Rogelio semper ta hunga su num- bernan cu wega di Big 4. E biaha aki el a dicidi cu e ta cumpra su numbertan di suerte na Euro Lottery II.

E numbertan cu e la cumpra tawata 4767 y 15 di decem- ber ultimo na e la gana 10 mil florin cu Big 4. Lotto, e lote- ria di Aruba, cu ta sigui cam- bia bida di su hungadonan y aporta na deporte. Nos ta de- sea Rogelio y su casa un feliz

aña 2015.

Lotto, e loteria di Aruba tin 8 diferente wega; Catochi, Big 4, Zodiac, Wega di Number Korsou di Lotto, Lotto di Dia, Lotto 5, Mini Mega, y Raspa y Gana. Cumprando Lotto bo ta contribui na de- porte riba nos isla. Meta di e fundacion ta pa organisa lo- teria, cambia bida di su hun- gadonan y na mes momento inverti den deporte local pa medio di donacionnan na e comision di subsidio. □



“Bendiciona sea Señor Hesus, pasobra El a scucha. Voz di mi suplica, Señor Hesus ta mi fortaleza y mi escudo, Mi curazon ta confia den dje, y mi a wordo yuda.
Salmo 28 : 6,7.

Cu profundo tristeza, pero conforme cu Señor su boluntad.
Nos ta anuncia fayecimento cristianamente di:



Ing. Dario Edwin Picus

*19-12-1934 †24-12-2014

Ing. Lago Oil Transport Co.

Ing. Di Exxon

Ex- Secretario/Tesorero

y Miembro Honorario di Lodge “HIRAM “

Na number di su:

Esposa : Josefa Maria “ Pepo “ Picus-Pacheco
Yuinan :

Rene Dario Picus y Esposa y Juinan

Guido David Picus y Cristiana y Jui

Sobrina mas stima, manera un yui:

Esperanza/Sansha y Pedro Koolman y Juinan

Nietonan y nieta:

Gabriel Picus, Keano Picus, Marle Picus,
Nieta Picus

Ruman :

Gregorio Rubin Picus y Juinan

Cuña :

Anita y Don Alvaro de Pabon y Jui-nan na Bogota/Colombia

Modesta Escamilla y Famia na Cartagena/Colombia

Srta. Osmany Sabalza

Demas Swa y Cuñanan na Colombia.

Bon amistadnan :

Vuida Tere Romero y Juinan, Patricia y Famia Reeberg, Hilda Halley y Famia, Sra. Aldina Rijke y Esposo y Famia, Famia Peterson, Sr. Ludwig y Hilda Berkemeyer y Famia, Vuida Olga Jacobs Burleson y Famia, Sra, Lili , Famia Pieters-Pourier.

Care-Taker : Johany Anchico

Sobrino y sobrina-nan, primo y primanan, tur bon bisiñanan den Bontelmantelstraat.

Demas Famianan : Picus, Gomez-Eckmeyer, Pacheco, Koolman-Pena, Maduro, Orman, Cornelie, Escalona, Toppenberg, Week, Petronia, Pieters, Janga, Loefstok y demas famianan.

Despensa nos si den nos tristeza nos a lubida un of mas famia.

Acto di entierro lo tuma lugar dialuna 5 di januari 2015 na Aurora Funeral Home di 2’or pa 4’or di atardi, despues lo Sali pa Santana central na Sabana Basora

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.

Salmo: 23

Cu inmenso dolor na nos curason, pero conforme cu boluntad di Dios, nos ta anuncia fayecimento di:

Alcida Elizabeth Dominga Apostel-Tromp

Cariñosamente yama: “Betty”

*24-09-1956 †24-12-2014

Casa di †WimboApostel



Na number di su

Casa: †Wimbert Apostel (Wimbo)

Mama: Elizabeth Webb

Juinan: Sedney (Pacheco) & Omaira Legito y famia
Miloushka Apostel y famia
Angela Apostel & Micheal Balentin y famia
Dyann Apostel & Shadamir Francisca y famia
Leron Paulina y famia
Lilly Paulina y famia
Leo Paulina y famia

Nieto(a)nan: Sara, Sineila, Sedmar Legito
Wendoushka, Wendell Jr., Roxander De Leeuw
Angelo & Gerina Villagra, Wimbert Apostel, Trevor Jr,
Angely Nedd
Egduard Jr. Winterdaal
Dychel, Davenier Apostel.

Bisanieto: Sjendell Wong

Rumannan: Hose & Glenda Tromp y famia

Maria Tromp y famia

Magdalena & Baron Thielman y famia

Ulpiano & Maria Tromp y famia

Clea Tromp & Rupert Richards y famia

Clarita Tromp y famia

Rolando & Valentina Arendsy famia

ManeraRuman: Wendy Kelly y famia

Omo&Tantan: Editha Webb y famia

Annie Martinus y famiana Cur.

Annie Adomis y famia

Win Martinus y famia

Tio d Respet: Eligio Apostel y famiana Cur.

Swa /cunjanan

Mereth (didi) apostel

Franklin (tenko) pieterella

Ruthlingpieterella

Subrino y subrinanan, primo y primanan, swa y cuñanan na (AUA,CUR,BON,HUL)

Comer y compernan

Ihanan: Elvin Boekhoudt, Jason Kock y famia, Roderick Angela

Ex Suegroman: Wendell De Leeuw y famia

Hose Gomez y famia

Mihor amiga y amigonan: Olivia & Wotty Croes y famia

Edwin (motin)tromp

Landa & Wilfred Ras y famia

Erick & Shirley Vlijtna (BON)

Vivian & Henry y famiana (CUR)

Sr. Elias

Y demas amiga y amigonan (AUA,BON, CUR), tur su coleganan di Total Service, Su Team stima di softball Bad Boys y demas famianan: Tromp, Apostel, Webb, Legito, De Leeuw, Nedd, Winterdaal, Balentin, Thielman, Richards, Dijkhoff, Boekhoudt, Kelly, Wong, Pieterella, Kock, Angela, Deschamps, Abdeltawab, Correa, Wever, Pawiro-redjo, Martinus, Bommel, Ras, Croes, Farro, Eckmeyer, Crisian, Giel, Hoek, Catalina, Rosa, Krozendijk, Fajardo, Villagra, Zievinger, Arends, Francisca Cristian, quandes, Monsanto, haseth.

Ta invita pa asistina e acto di entierro cual lo tuma lugar diasabra 3 di januari 2015 pa 4’or di atardi na Misa Sta. Anna na Noord, despues saliendo pa Santana di Noord. E restonan mortal di Alcida lo ta reposa for di 2’or di atardi den Misa.

Adres pa condolencia: Diamars 30 december 2014 nacas: Alto Vista 126-A di 7’or pa 9’or di anochi y diabierna 2 di januari 2015 di 7’or pa 9’or di anochina Aurora Funeral Home, Cumana 76.

Nos ta pidinos disculpa si den nos tristesa nos por a lubida un of mas famia.

Enbez di manda krans lo bai tin un box disponible den misa pa Fundashon Edmund Harms


Deseo di defunto ta pa bisti color alegre.

Despues di entierro nos no por ricibi bishita di condolencia na cas.



“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso dolor na nos curazon nos ta anuncia cu a bay drumi den braza di señor:



Genara Constancia Mathilda

Cariñosamente

jama “Ina”

*19-09-1942 -

†29-12-2014

Na number di su:

Yui: David Anthony

Rumannan:

Emiliano Mathilda y famia

Juan Mathilda

Alberto Mathilda y famia

Sobrino y Sobrinanan,

Primo y Primonan, Bisiña y Conocirnan ta invita

pa e acto di entierro cual lo

tuma lugar diasabra 3 di

januari 2015 na misa In-

maculada Conception na

Sta.Cruz di 2’or pa 4’or di

atardi, despues lo Sali pa

Santana catolico na Sta.

Cruz.

Enbez di manda flor of

krans un donashon na

Fundashon Edmund

Harms lo ta altamente

aprecia.

Señor a bendicionami mi cu un bunitafamia
E a dunami honor di por a sirbi mi pais,
como politico den difrentefuncion
Awor lo mi ta desea di sirbi'E den su Reino Celestial
Danki Señor pa tur loke mi por ricibi di Bo

A fayese Cristianamente:



Efrain M. De Kort
8-6-1942 31-12- 2014

Ridder in de Orde van de Nederlandse Leeuw
ExMinister di Finanzas di Antiyanan Hulandes
Ex Diputado di Finanzas di Aruba
Ex Miembro di Parlamento di Antiyanan Hulandes
Ex Miembro di Eilandsraad di Aruba
Ex Jefe di AVD
Ex PresidentComissaris di Centrale Bank van Aruba
Ex PresidentComissaris di Compania di Utilidad
Ex Fundador di Banco di Desaroyo di Aruba

Den number di su:
Esposa Mildred de Kort Croes
Yiu Ghislaine & Federico Mora
Nieta Tiziana Mora de Kort

Rumanan:

Edwin de Kort
Carmen de Kort
Olivia de Kort
Eduardo & Vera de Kort
Yolanda de Kort

Elsa & Jeens Beaujon

Cuñanan:

Alida & Gregorio Falconi y famia

Mavalda Croes y famia

Ana Croes y famia

Subrinonan:

David y Dianne de Kort y yiunan

Junior de Cuba y señora

June & Amablo Geerman Tromp y yiunan

Ricky Tromp

Shaline Tromp y yiunan

Jeanise & Avin Lake y yiu

Dito & Gina de Kort y yiunan

Danny de Kort y yiu

Gerardo y Prisila de Kort y yiunan

Suzy Croes y yiu

Angelique y Jose Isebia y yiu

Eunice Beaujon y yiunan

Darrel y Matilda Beaujon y yiunan

Su tanta stima:

Eligia Croes y Famia na Houston, Texas, Usa

Su enfermeronan:

Luz Marina Rodriguez

Juan Carlos Ramirez

Un Danki special na su doctor di cas dr. June Geerman-Tromp.

Ta invita su amigonan, bisiaña, conocirnan y su pueblo stima di Aruba, pa su acto di entieroculo tuma lugar dialuna 5 di Januari, saliendo for di misa Sagrado Curazon na Savaneta. E restonan mortal lo ta den misa for di 1:00 p.m. pa 4:00 pm lo tuma lugar e ceremonia religioso, sigui pa e entierio na Santana Catolico di Savaneta.



Señor ta mi wardador, mi'n tin falta di nada,
dencunucu di yerba berde. E ta pone mi sosega.
E ta hiba mi na awa trankil, pa mi bolbe haya forza.
Salmo:23.1

Cu inmenso tristeza na nos curazon nos ta participa
fayecimento di:



Lorenzo Lamper

Mihor conoci como "Padu of Chonyen"

*07-07-1928 †02-01-2015

Acto di entierio lo wordo anuncia despues.

Gradicimento y Invitacion

Di curazon nos kier a gradici tur esnan cu a demostra
nan atencion cu a compananos durante di entierio di
nos Tata, stima:



Fancisco Koolman

Ademas nos ta invita tur famia, bisianan, amiganan y
conocirnan pa e santo sacrificionan di misa pa descanso
di alma di nos defunto stima, cual lo tuma lugar diasabra
3 di January 2015 y diadomingo 4 di January 2015,
na Misa Pro-Cathedral San Francisco na Playa.
pa 7'or di anochi.

Gradicimento / Invitacion

Pa medio di esaki famia
Vrolijk-Laclé kier a
gradici tur esnan cu di un
manera of otro a musta
nan cariño y atencion
durante enfermedad,
fayecimento y entierio di
nos defunto stimá.



**Raimundo
Clemente
Vrolijk**

"Renny"

Un danki grandi na:
famia, bisiaña y conocirnan. Su dokter di cas
Dr Samuels cu semper
tabata tey pé. Na personal
di 40 piso di HOH pa
nan atencion y cuido.
Na Randall Croes pa su
bunita canto. Na The Olive Tree Funeral Home
pa nan excelente servicio.
Na personal di Ambulance cu semper a actua
cu emergencia pé. Na tur
esnan cu a manda krans,
e-mail y yamadanán.
Boso muestra di atencion
y convivencia tabata y lo
sirbi nos di gran consuelo
y lo keda pa semper graba
den nos curason.

Nos ta invita pa tres
Santo Sacrificio di Misa
na misa Sta Filomena na
Paradera pa descanso di
su alma.

Diabierna 2 di januari
2015

Dialuna 5 di januari 2015
Diamars 6 di januari 2015

Boso presencia lo ta altamente
aprecia.

Señor a bendicionami mi cu un bunita famia
E a dunami honor di por a sirbi mi pais,
como politico den difrente funcion
Awor lo mi ta desea di sirbi'E den su Reino Celestial
Danki Señor pa tur loke mi por ricibi di Bo

A fayese Cristianamente:



Efrain M. De Kort

8-6-1942 31-12-2014

Ridder in de Orde van de Nederlandse Leeuw
Ex Minister di Finanzas di Antiyanan Hulandes
Ex Diputado di Finanzas di Aruba
Ex Miembro di Parlamento di Antiyanan Hulandes
Ex Miembro di Eilandsraad di Aruba
Ex Jefe di AVD
Ex President Comissaris di Centrale Bank van Aruba
Ex President Comissaris di Compania di Utilidad
Ex Fundador di Banco di Desaroyo di Aruba

Den number di su:
Esposa Mildred de Kort Croes
Yiu Ghislaine & Federico Mora
Nieta Tiziana Mora de Kort

Rumanan:
Edwin de Kort
Carmen de Kort
Olivia de Kort
Eduardo & Vera de Kort
Yolanda de Kort
Elsa & Jeens Beaujon

Cuñanan:
Alida & Gregorio Falconi y famia
Mavalda Croes y famia
Ana Croes y famia

Subrinonan:
David y Dianne de Kort y yiunan
Junior de Cuba y señora
June & Amablo Geerman Tromp y yiunan
Ricky Tromp
Shaline Tromp y yiunan
Jeanise & Avin Lake y yiu
Dito & Gina de Kort y yiunan
Danny de Kort y yiu
Gerardo y Prisila de Kort y yiunan
Suzy Croes y yiu
Angelique y Jose Isebia y yiu
Eunice Beaujon y yiunan
Darrel y Matilda Beaujon y yiunan

Su tanta stima:
Eligia Croes y Famia na Houston, Texas, Usa

Su enfermeronan:
Luz Marina Rodriguez
Juan Carlos Ramirez

Un Danki special na su doctor di cas dr. June Geerman Tromp

Ta invita su amigonan, bisiña, conocirnan y su pueblo stima di Aruba, pa su
acto di entierro cu lo tuma lugar dialuna 5 di Januari, saliendo for di misa Sagrado Curazon na Savaneta. E restonan
mortal lo ta den misa for di 1:00 p.m. pa 4:00 pm lo tuma lugar e ceremonia religioso, sigui pa e entierro na Santana
Catolico di Savaneta.

Merca ta sanciona noord Korea pa atake cibernetico Sony

HONOLULU (AP) — Merca a impone sancion nobo riba noord Korea ayera, dirigi riba oficialnan di rango halto y organisacionnan di defensa como castigo di ataca cibernetico riba Sony. E sancion a marca e prome acto publico di disciplina di parti Merca.

Aunke no tabata cla con severo e sancion lo bay ta, ya cu noord Korea ta bou di sancion serio di Merca caba pa motibo di su programa nuclear, e anuncio a duna indicacion cu Merca lo no hala atras di su insistencia cu noord Korea ta e pais responsabel pa e ataca cibernetico riba Sony. Noord Korea a nenga di ta envolvi y algun experto di seguridad



cibernetico ta bisa cu e por ta posibel cu Pyongyang no ta esun culpabel.

“E ordo no ta contra e pueblo di noord Korea, pero ta dirigi riba e gobierno di noord Ko-

rea y su actividadnan cu ta menasa Merca y otronan,” presidente Barack Obama a

skirbi den un carta na e Camara di Representantenan y lidernan di Senado.

E sancionnan di Merca ta apunta riba a sector di defensa di noord Korea, isolando e gobierno y creando un deterioro pa futuro atakenan cibernetico, oficialnan a bisa, prensa riba un base di anonimidad.

E Cas Blanco a avisa cu esaki ta e prome parti di Merca su reaccion riba e incidente di Sony. Oficialnan a bisa cu mas individuo lo wordo sanciona den futuro.

FBI a culpa noord Korea pa e atake cibernetico riba Sony Pictures. Noord Korea a nenga pero di otro banda a expresa furia riba un pelicula tipo “comedy” di Sony cu ta ridiculisa Kim Jong Un. □

Buckingham Palace ta nenga reclamo sexual contra Prins Andrew

LONDON (AP) — Oficialnan Royal ayera a nenga cu Prins Andrew – Duke de York y e di dos yiu di Reina Elizabeth II - ta envolvi den cualkier “indecencia di menor di edad” despues cu el a wordo nombra den documentonan di corte Mericano relaciona cu pleito contra financiado Mericano, Jeffrey Epstein.

Den documentonan cu a yega corte na Florida, un hende muhe no identifica a bisa cu Epstein a fors’e pa tene relacion sexual cu Prins Andrew na London, New York y un isla priva den Caribe di Epstein ora cu ainda e tabata bou di 18 aña. Segun e documentonan, e eventonan aki a tuma luga entre 1999 pa 2002.

Buckingham Palace a bisa den un declaracion: “Esaki ta relata na un procedimiento civil cu ta tumando luga pa hopi tempo na Merca, di cual e Duke di York no ta forma parti. Como tal, nos lo no comenta riba e detaye.”

E declaracion a añadi: “Sinembargo,



pa evita duda, cualkier sugerencia di indecencia cu un menor di edad, categoricamente no ta berdad.” E declaracion tabata inusual pasobra oficialmente royal no ta comenta riba tipo di argumentonan aki.

E reclamonan di e muhe, entrega diamars, ta añadi na un pleito interminabel presenta pa dos otro muhenan cu ta bisa cu nan a wordo abusa sexualmente como menor pa Epstein. E financiero biyonario a wordo sen-

tencia na castigo di prizon na 2008 despues di declara su mes culpabel na delitonan sexual contra mucha.

E muhenan a reclama riba e manera con fiscalnan Mericano a trata cu Epstein su caso, y kier autoridadnan reconsidera e acuerdo fiscal cu a permiti Epstein evita carganan mas severo y mas aña den prizon.

Un muhe cu a entrega reclamo contra Prins Andrew – solamente identifica como “Jane Doe No.3” – ta un di e dos acusadonan nobo pidiendo un Hues di West Palm Beach pa permiti nan uni na e pleito existente contra Epstein. E Prins no ta nombra como defensa den e caso, y niun carga criminal of reclamo oficial a wordo entrega den su contra.

E no ta prome bes cu Prins Andrew ta enfrente critica den prensa tocante su amistad cu Epstein. Na juli 2011 e prins a baha di su puesto como un embahador comercial di Inglatera despues di controversia tocante su relacion cu e biyonario. □

Italia ta rescata migrantenan riba barco bandona pa tripulacion

VERBANIA, Italia – Pa di dos biaha den tres dia, autoridadnan Italiano a haya nan mes ta actua rapido diabierna pa rescata migrantenan for di un barco di carga cu traficantenan a bandona bayendo direccion pa Italia lagando niun hende na timon.

Ekipo di rescate a logra subi e barco despues cu el a para, kisas pa motibo cu gasolin a caba y den oranan di atardi

nan a tou e boto trece tera. Pero e episodio a pone autoridadnan pensa cu traficantenan ta uzando un tactica nobo pa haya mas ganashi ainda for di miseria humano. E ultimo drama a bin segun Ezadeen, un barco di bela di 50 aña tabata nabega bou di e bandera di Sierra Leone, bayendo pa e costa sur este di Italia, den este mediterraneo, cu un promedio di 450 persona a bordo. Tabata tin bisa cu despues di seis dia riba lama, e migrantenan, incluy-

endo muhenan na estado y mucha, a caba tur cuminda, awa y lechi a bordo, y cu e barco tambe lo a caba tur gasolin.

“Ora nos a yama e barco pidi pa su status, un muhe migrante a responde bisando, “nos ta nos so y no tin niun hende pa yuda nos,” Cmdr. Filippo Marini, un vocero pa warda Costa Italiano a bisa. El a bisa cu e barco a sali for di Puerto di Turkia a wordo laga riba ‘autopilot.’ Paramedico a bisa cu e migrant-

enan, mayoria di Siria, tabata den bon estado.

Recientemente migrantenan cu ta bin Italia via lama a yega primordialmente den botona chikito cu ta bin di noord Africa. Pero e cambio pa barconan di carga biniendo for di este ta muestra di ta un strategia nobo, un marino Italiano a bisa, y traficantenan ta “sigur den nan conocimiento cu niun hende lo permiti un barco pa accidenta riba costanan Italiano of Griego.”

E prome barco di rescate pa yega tabata un boto di patrulla di Islandia como parti di e programa coordina pa Frontex, e agencia di frontera Europeo. Pero lama tabata mucho bruto pa ekipo di rescate subi di un boto pa e otro y un helicopter Italiano a wordo yama pa baha e oficialnan di Warda Costa riba e boto. Despues di varios ora y despues cu Ezadeen di 240 pia su gasolin a caba, Warda Costa di Islandia a tou e boto bin aden. □



Celebracion fin di aña

Les a pagina B2



Retiro di Liverpool

Les a pagina B5

BON DIA *Aruba*

Diasabra 3 di Januari 2015 www.bondia.com Email: noticia@bondia.com Tel: 582-7800 Fax: 582-7044 1,50 Florin

Sambuaya di Aña Nobo



Les a pagina B10/11

Agua Grill a clausura 2014 cu brindis



ORANJESTAD - Di aranson atardi empleadonan di Aqua Grill a celebra e hecho cu a yega na un final di aña cual tabata uno sumamente exitoso pa Aqua Grill.

Un brindis chikito a culmina cu cendemento di pagara dilanti di e edificio. E pagara a wordo cendi pa e Sales and Marketing manager Kenneth Fowler. Aqua Grill kier a desea henter comunidad di Aruba un feliz aña nobo y tambe gradici tur hende pa e sosten den aña 2014. □



Next level Barbershop a cera aña 2014 exitosamente!

Bispo di aña 2014 Next level Barbershop a tene un celebracion ameno hunto cu clientenan fiel y famia cu semper a sostene e propietario Sr. Valentino Wernet.

Na e ocasion aki musica no a haci falta. E agrupacion di gaita Autentico cu clase a percura pa pone ambiente na tur presente. Valentino a gradici Dios na prome luga y tur cu a sostene durante 2014 y a desea tur presente un aña 2015 bendiciona, prome cu a cende e mecha di e gran pagara. Danki na tur cu tabata presente na e ocasion aki di parti Next level Barbershop. Riba combinacion di potret por mira mas di e atardi aki. □



RCA a bisa ayo 2014 na RCA Arena



SOLITO - Desde 5:30 di atardi fanatico y miembronan a cuminsa yega

den Arena pa asina apoya y gosa di un super interesante partido di futbol. Ora e hobennan U-18 a reta nan coach riba cancha.

Despues di tempo completo e wega termina 3-3 y mester a bay penalty, unda e hobennan ta resulta miho cu nan maestronan. Despues a sigui brindis di champagne cu oliebolten y capitan di team Dama Milly Henriquez ta pega e pagara hunto cu "Companashi Boy" Juji Wer-



leman cu a cende e flowerbed.

Invitadonan di honor sr. John Merryweather y distinguido esposa, sr. Cadochi Kock, sr. Serge Mansur, sr. Gerald Franca y distinguido esposa hunto cu coachnan, hungadonan y leidsternan a gosa un mundo di e ambiente cu a bay caba te despues di 12'or di anochi. "Un bi-aha mas directiva ta gradici Franklin Ashby pa donacion

di pagara y na tur nos sponsornan cu ta haci tur nos actividadnan posibel y un danki special na e fanaticada tricolor cu semanalmente ta bishita tur nos weganen tur rond Aruba. Pa 2015 por spera e organizacion marca paso nan gigante y sigui domina futbol local. RCApaBida," segun directiva di e team. □



Schedule di Pony League Baseball ta cla

ORANJESTAD - Na prome lugha Pony Baseball & Softball Foundation kier a desea pueblo di Aruba completo un feliz aña 2015 cu hopi bendicion di Dios, y na e pueblo di baseball tambe cu e metanan di cada un pelotero lo wordo concretisa durante e aña aki.

Manera ya conoci e Fundacion di Pony League na Aruba ta trahando hopi duro riba formacion di nos

hobennan den e area di deporte, specialmente e deporte di Baseball. Baseball lo sirbi como e vehiculo pa yuda e muchanan / peloteronan yega na nan meta, sea trahando futuro major leaguers of futuro bon ciudadanonan pa e pais aki di Aruba.

Tur e esfuersonan di e fundacion di Pony League ta bay netamente pa e obhetivo aki, y e metanan aki sigur tur dirigente di Pony League lo tene duro na dje, sin wak



Campeonato PONY Baseball 2015



Monday, Jan 12		
Colt (15-16)		
Blue Claws 15-16 @ Giants Frisian Flag	6:00pm	Stadion Nady Croes & Crismo Angela
Tuesday, Jan 13		
Colt (15-16)		
Giants Tang @ Guerreros	6:00pm	Stadion Nady Croes & Crismo Angela
Wednesday, Jan 14		
Pinto (7-8)		
Marlins Kelloggs @ Hammer Shark S&L Contractors N.V.	5:15pm	Seroe Preto Baseball Park # 1
Grasshoppers Gatorade @ Giants Mika	5:15pm	Seroe Preto Baseball Park # 2
Bronco (11-12)		
Ritz Hurricanes @ Giants Chips Ahoy!	6:00pm	Pos Chikito Ballpark # 1 (Chikito)
Chocolate City 11-12 @ Grasshoppers Provence Pool Service	6:00pm	Pos Chikito Ballpark # 2 (Grandi)
Colt (15-16)		
Marlins Gatorade @ Braves Amore Mio	6:00pm	Stadion Nady Croes & Crismo Angela
Thursday, Jan 15		
Bronco (11-12)		
Hurricanes 11-12 @ CBN 11-12	6:00pm	Pos Chikito Ballpark # 1 (Chikito)
Colt (15-16)		
Blue Claws 15-16 @ Braves Amore Mio	6:00pm	Dragon Hitters (Duracell) Ballpark
Marlins Gatorade @ Giants Tang	6:00pm	Pos Chikito Ballpark # 2 (Grandi)
Giants Frisian Flag @ Guerreros	6:00pm	Stadion Nady Croes & Crismo Angela



Campeonato PONY Baseball 2015



Saturday, Jan 10		
Shetland (5-6)		
White Sharks El Gaucho / Safecom @ Hurricanes Mario Sport Shop	9:00am	Seroe Preto Baseball Park # 1
CBN Pringles @ Aruba Tigers Fast Delivery	9:00am	Seroe Preto Baseball Park # 2
Marlins Acropolis Plaza @ Grasshoppers Jani's / Tropicana	9:00am	Seroe Preto Baseball Park # 3
Marlins Hawaiian Punch @ Chocolate City 5-6	10:30am	Seroe Preto Baseball Park # 1
Rockets Don't Panic @ Giants Bubbalo Baby	12:00pm	Seroe Preto Baseball Park # 1
Pinto (7-8)		
Rockets Tropical @ Grasshoppers Gatorade	10:30am	Seroe Preto Baseball Park # 2
White Shark Cura Cabal Lottery @ Marlins Burger King	12:00pm	Seroe Preto Baseball Park # 2
Grasshoppers 2 @ Aruba Tigers Swissport Cargo	1:30pm	Seroe Preto Baseball Park # 1
Giants Kool Aid @ Hurricanes Mario Sport Shop 7-8	1:30pm	Seroe Preto Baseball Park # 2
Hammer Shark S&L Contractors N.V. @ Giants Mika	3:00pm	Seroe Preto Baseball Park # 2
Mustang (9-10)		
Grasshoppers Mario Sport Shop @ Rockets Baby Jhonsons	9:00am	Marlins Field (TL) # 2
Hurricanes 9-10 @ Grasshoppers Vitamat	9:00am	Marlins Field (TL) # 2
Giants Choq @ Marlins High Performance	11:00am	Marlins Field (TL) # 1
CBN Impex @ Aruba Tigers Bonbini Cargo	11:00am	Marlins Field (TL) # 2
Giants Oreo @ Marlins Guardian Group	1:00pm	Marlins Field (TL) # 1
Marlins Awa @ White Shark Mantbraka	1:00pm	Marlins Field (TL) # 1
Bronco (11-12)		
Grasshoppers Provence Pool Service @ Rockets Inter Island Transport	9:00am	Grasshopper Field (AYO)
Marlins 11-12 @ Ritz Hurricanes	11:00am	Grasshopper Field (AYO)
Giants Chips Ahoy! @ Hurricanes 11-12	1:00pm	Grasshopper Field (AYO)
Blue Claws @ CBN 11-12	3:00pm	Grasshopper Field (AYO)
Pony (13-14)		
Blue Claws 13-14 @ CBN Postobon	11:00am	Seroe Preto Baseball Park # 3
Braves 13-14 @ Rockets 13-14	1:00pm	Seroe Preto Baseball Park # 3
Hurricanes 13-14 @ Giants Snack Pack	3:00pm	Seroe Preto Baseball Park # 3
Sunday, Jan 11		
Shetland (5-6)		
CBN Pringles @ White Sharks El Gaucho / Safecom	9:00am	Seroe Preto Baseball Park # 1
Aruba Tigers Fast Delivery @ Hurricanes Mario Sport Shop	9:00am	Seroe Preto Baseball Park # 2
Marlins Hawaiian Punch @ Marlins Acropolis Plaza	9:00am	Seroe Preto Baseball Park # 3
Chocolate City 5-6 @ Grasshoppers Jani's / Tropicana	10:30am	Seroe Preto Baseball Park # 1
Giants Bubbalo Baby @ Giants Bubbalo	12:00pm	Seroe Preto Baseball Park # 1
Pinto (7-8)		
White Shark Cura Cabal Lottery @ Rockets Tropical	10:30am	Seroe Preto Baseball Park # 2
Marlins Burger King @ Grasshoppers Gatorade	12:00pm	Seroe Preto Baseball Park # 2
Aruba Tigers Swissport Cargo @ Hurricanes Mario Sport Shop 7-8	1:30pm	Seroe Preto Baseball Park # 1
Grasshoppers 2 @ Giants Kool Aid	1:30pm	Seroe Preto Baseball Park # 2
Giants Mika @ Marlins Kelloggs	3:00pm	Seroe Preto Baseball Park # 2
Mustang (9-10)		
Grasshoppers Vitamat @ Marlins Awa	9:00am	Marlins Field (TL) # 1
Marlins Guardian Group @ Rockets Baby Jhonsons	9:00am	Marlins Field (TL) # 2
Marlins High Performance @ Hurricanes 9-10	11:00am	Marlins Field (TL) # 1
Aruba Tigers Bonbini Cargo @ Grasshoppers Mario Sport Shop	11:00am	Marlins Field (TL) # 2
Bronco (11-12)		
Giants Oreo @ Giants Choq	1:00pm	Marlins Field (TL) # 1
White Shark Mantbraka @ CBN Impex	1:00pm	Marlins Field (TL) # 2
Pony (13-14)		
Marlins 11-12 @ Grasshoppers Provence Pool Service	9:00am	Grasshopper Field (AYO)
Ritz Hurricanes @ Rockets Inter Island Transport	11:00am	Grasshopper Field (AYO)
CBN 11-12 @ Chocolate City 11-12	1:00pm	Grasshopper Field (AYO)
Blue Claws @ Giants Chips Ahoy!	3:00pm	Grasshopper Field (AYO)
Pony (13-14)		
Blue Claws 13-14 @ Braves 13-14	11:00am	Seroe Preto Baseball Park # 3
Rockets 13-14 @ Hurricanes 13-14	1:00pm	Seroe Preto Baseball Park # 3
CBN Postobon @ Giants Snack Pack	3:00pm	Seroe Preto Baseball Park # 3

den banda.

Schedule pa prome weekend

E schedule pa e prome weekend ta conoci, lo tin weganan riba 3 veld multiplex cu ta haci hopi mas facil pa e publico / fanaticada di baseball por disfruta di mas wega simultaneamente. Na veld di Marlins na Tanki Leendert lo tin tur e weganan di Mustang Division, na veld di Sero Preto Baseball Park, lo tin weganan di Shetland (5-6) y Pinto (7-8), y tambe Pony (13-14). na veld di Grasshopper na Ayo lo tin tur e weganan di Bronco (11-12). E weganan di Colt (15-16) lo bay den siman, parti atardi/anochi na Stadion Nadi Croes & Crismo Angela, Stadion na Pos Chikito y Dragon Hitter (Duracell) na Barcadera.

Trahandu riba disciplina deportivo

Pony League lo ta trahando hopi duro riba e disciplina deportivo y tambe e respet

pa e deporte di baseball. Pony League lo introduci codigonan di conducta pa asina cada individuo tene su mes na dje, pe. no lo acepta bebida alcoholico na ningun wega di baseball di mucha, no lo acepta pa papia malo cu ningun umpire, no ta acepta palabra ofensivo/ malo contra ningun hende rond di veldnan di baseball. Lo introduci speed up rules, esey ta nifica cu cada team ta subi y baha na careda, y asina duna e deporte di baseball e respet cu e merece. Tin mas aspectonan cu lo tene cuenta cu ne pa asina e muchanan lo disfruta di e wega lo maximo.

Pa tur informacion di Pony League Aruba, semper por subi riba e website www.ponyleaguearuba.com. Pony League su team di coordinadornan pa cada division lo traha duro pa haci e campeonato di Pony League exitoso, conhuntamente cu e mundo grandi di Baseball na Aruba. □



Gerrard lo laga Liverpool na final di temporada



LONDON, Inglatera (AP) — E capitan di Liverpool Steven Gerrard ta cla pa integra den un club stranhero despues di a revela ayera cu e lo laga e team di su infancia na final di e temporada aki na fin di busca un experiencia nobo den futbol di Liga Premier.

E medio campo di 34 aña a bisa cu e tabata sinti "angustia" mientras e tabata pensa si mester acepta of no e oferta di Liverpool di un contract nobo, pero el a haci e anuncio na mita di temporada ora cu ya e no tabata tin un laga garantis den e team. Mirando cu su contract ta vence na final di e campaña, Gerrard a wordo permiti na drenta den negociacionnan cu clubnan stranhero desde e dia Aña Nobo y e ainda no

tabata tin plannan di retira. "Mi ta bay sigui hunga," Gerrard a bisa. "Si bon mi no por confirma den e etapa aki unda mi lo ta, mi por bisa cu lo ta algun laga unda ta implica cu mi no lo hunga pa un team rival y na final mi no lo enfrenta Liverpool - esey ta algo cu nunca mi lo considera. Mi decision ta basa completamente na mi deseo di experimenta algo diferente den mi bida y den mi careda, y tambe mi kier segura di no sinti arepentimento asina cu mi careda termina." MLS di Merca lo ta un destino obvio pa Gerrard, cu a forma den e forsa basico di Liverpool te bira un di e miho hungadonan den historia di e club y kende ademas tabata e capitan di e seleccion di Inglatera prome cu el a retira di e seleccion despues di Copa di Mundo 2014. □

Love y Marion a hunga ayera un biaha mas cu Cavaliers

CHARLOTTE, Merca (AP) — Kevin Love y Shawn Marion tabata warda hunto pa hunga contra di Charlotte Hornets ayer nochi, bon noticia pa un team di Cleveland Cavaliers cu no a contra cu LeBron James pa e proximo dos siman debi na un lesion di rudia y problema di lomba.

Durante e sesion di training di ayera mainta, Love a bisa cu e lesion di musculo di su lomba a stroba su participacion den e wega mas reciente di Cleveland y a "ricibi autorisacion" pa hunga. Marion a perde e ultimo dos wega cu un lesion di enkel. Love a spera di probecha di e ausencia di James manera un oportunidad di amplia su rol den e team. Cavaliers tin un record di 18-14 y a sufri tres derota consecutivo. □




Awe nochi Jon Jones contra Daniel Cormier



LAS VEGAS — Dialuna UFC "light heavyweight champion" Jon Jones y Daniel Cormier, e dos bringadonan cu tin 4 aña problema cu otro, a bringa na MGM Grand Hotel na unda nan ta kedando.

Esaki tabata tin consecuencia pa ambos, unda cu awe nan lo bay bringa contra otro pero den ring.

E bringamento a pasa durante un conferencia di prensa na unda cu Cormier a pusha Jones patras.



Ora cu Jones a haya su balans bek el a cuminsa tira Cormier cu mokete. "UFC director of communications" Dave Sholler a purba di para nan pero e no a logra y nan a sigui bringa. Siguridad a logra separa nan despues di un rato y a bay cu Cormier. Esaki no tabata un momento orguyoso pa e organizacion di UFC pa motibo cu e dos cabayeronan aki cu ta atletanan cu ta train hopi bon y profesionalnan cu nivel di educacion halto. Nan pelea tabata poni pa dia 27 september pero el a wordo cambia pa awe nochi na UFC 182. □

Chauffeur cu a ocasiona accidente a keda herida



CURA CABAY - Diahuebs anochi riba caminda principal di Cura Cabay na altura di Wendy's a sucede un accidente entre dos auto cu persona herida.

Di biaha ambulance y polis a wordo manda na e sitio. Na yegada, Polis a mira cu e chauffeur di e Toyota Tercel a sali di e "drive thru" di Wendy's y a tuma e lorada mucho grandi pa bay ariba y e ta dal riba un Yaris cu ta bayendo abou.

E impacto a laga e persona den e Tercel herida y ambos auto a keda kibra.

Personal di ambulance a hiba e chauffeur di e Tercel cu a core malo pa hospital pa haya atencion medico. □



Aña nobo mainta auto ta bolter

POS CHIKITO - Riba aña nobo despues di 7'or di mainta riba caminda principal di Pos Chikito poco prome cu e brug, un accidente a sucede.

Polisnan di distrito di San Nicolas a yega di biaha na e sitio y a topa cu un Lexus, cual a bolter algun biaha. Segun testigo basta hende tabata den e auto, pero un auto desconoci a pasa y e personanan a bay den e auto aki,

unda cu nan a laga e Lexus su so na e sitio.



Polis a bin topa cu e homber

bou di un mata, kende tabata keha di dolor. Aki a pidi pa



ambulance, unda cu e personal medico a atende e vic-

tima y hiba su persona hospital. □

Chauffeur burachi ta ocasiona accidente despues di tiro



SAVANETA - Diahuebs marduga un rato despues di tiro, Centro di Alarma y Polis ta wordo notifica pa un accidente fuerte na altura di La Granja na Savaneta.

Patruxa di San Nicolas y Unidad di K9 a yega y a cera caminda pa motibo cu tabatin daño material na ambos vehiculo y un di e chauffeurnan no por move. Un Kia

Rio tabata biniendo di San Nicolas pa Playa y e Nissan Platina tabata bin di Playa pa San Nicolas. E chauffeur di e Nissan Platina a bay na banda robes y a dal casi frontal riba e otro auto. Polis a detene e

chauffeur di e Platina cu a ocasiona e accidente aki pa motibo cu e tabata bou influ-

encia di alcohol. Ambulance a acudi na e sitio pa controla e personanan. □

Toyota Yaris sospechoso riba parkeerplaats di EPI



Kiebro den cas na Pos Chikito

POS CHIKITO— Central ta manda Patruya na un cas na Pos Chikito, pa un kiebro den un cas. Na e sitio, Polis no a haya ningun hende na cas. E bisiña a bisa Polis cu e doño ta den exterior y ta un bisiña ta tira bista riba e cas. E bisiña a yama Polis. Como cu Polis a tarda, y el a keda warda basta, el a bay drumi. Polis a bisa e bisiña pa e duna e respondi pa e pasa warda pa duna keho. □

Homber atraca na haltura di Circle K

ORANJESTAD— Central ta manda Polis na Circle K. pa un pelea. Na e sitio, Polis a topa cu e homber D, kende ta bisa cu dos mucha homber a atraca su persona. Polis a pidi e descripcion di e agresornan, pero e no tabata corda nan. Mirando cu e tabata fuertemente bou di influencia di un of otro substancia, Polis a bisa pe pasa warda pa duna keho di ladroncia. El a yama un taxi pa hiba su persona cas. □

Desconocinan ta destrui bentana di cas

SAN NICOLAS— Central a manda Polis na Esso Heights, pa un destruccion. Na e sitio, Polis a papia cu e muhe W, kende ta bisa cu el a sali di cas y a laga su cas na yabi y intacto. El a bin cas y a mira cu desconocinan a tira dos piedra parti patras di e cas y a kibra dos bentana Polis a tuma e keho. □

Container di sushi destrui cu vuurwerk

PALM BEACH— E homber H, a bay warda di Polis pa duna keho di destruccion di su container di sushi. E ta bisa Polisnan cu desconocinan a kibra e container cu vuurwerk. Ta trata di un container berde di Serlimar. Polis a tuma e keho. □

Chauffeur burachi coriendo irresponsabel

PARADERA— Polisnan a haya un yamada di telefon, cu un auto color di oro, ta coriendo irresponsabel riba e caminda di Kibaima pa Tanki Flip. Polisnan a topa cu e auto y a para e chauffeur y nan a constata cu e ta fuertemente bou di influencia di alcohol. E tabata tin wowo cora y no por para bon riba su pianan. El a keda deteni pa buracheria y hiba warda di Santa Cruz, na unda e por a bay cas despues cu a caba di atende cu su persona. El a supla 830 ugl. □

ORANJESTAD - Diamars den oranan di merdia, Polis ta wordo manda na e parkeerplaats di EPI pa motibo cu tin un Toyota Yaris sospechoso staciona eyriba.

Na yegada Polis ta bin topa cu e Toyota Yaris cora staciona riba e parkeerplaats y un persona cu Polis conoce tabata cu e auto aki. Polis no a confia esaki y e persona a saca e documentonan di e auto pa mustra Polis. Patruya mesora a bay na e adres caminda e auto ta registra. E auto ta di un persona cu ta biba na e adres aki y e ta na altura cu e persona aki ta cu su auto. □



Homber cansa a dicidi di cay drumi abou

SAN NICOLAS— Central ta manda Polis na I. Wagemakerstraat na haltura di Bonaire Club pa un persona cu ta drumi abou. Na e sitio, Polis a constata cu tin un homber drumi riba vloer. E homber S, a bisa Polis cu e ta hopi cansa y a bay drumi riba vloer. Polis a hiba e homber su cas na Juana Morto Complex. □

Vuurwerk a kibra glas di schuifdeur

SAN NICOLAS— Durante patruya, Central a manda Polis den Flamboyanstraat pa un destruccion. Na e sitio, Polis a papia cu e muhe J, kende ta bisa cu desconocinan a tira vuurwerk dilanti su schuifdeur y a kibra e porta. Polis a tuma e keho. □

Homber kimando koper banda di caminda

SAN NICOLAS— Central ta manda Polis na Parishhillweg pa un auto na candela. Polis bayendo pa e sitio, ta mira un auto cora para banda di caminda. Polis a papia cu e homber G, kende tabata kimando koper. Ora cu Polis a yega, e candela a wordo paga caba. E homber G, a bisa Polis cu e tabata kimando koper bieu cu e tin den su cura. Polis a splica G, un ke otro y el a compronde. E koper a keda confisca y hiba warda. □

Homber ta tira vuurwerk riba beach

SANTA CRUZ— Central a manda Polis na Palm Pier, na unda tin hende ta tira vuurwerk. Na e sitio, Polis a topa cu un tal B, cu un caha di vuurwerk Thunderking riba beach. Polis a constata cu tabatin papel di vuurwerk cendi riba e beach. Un par di turista a bisa Polis cu e muchanan tabata yora, pa motibo di e vuurwerk. Polis a papia cu e homber, y el a bisa cu el a tira algun vuurwerk riba beach. Polis a scual e debidamente riba su comportacion. El a compronde y a bisa cu e lo haci e beach limpi. E caha cu e resto di vuurwerk a keda confisca. □

Turista cu 400 dollar supuestamente falso

ORANJESTAD— Central a manda Polis den Penha den Caya Betico Croes pa placa falso. Na e sitio, Polis a papia cu e cahera, kende ta bisa cu mas o menos 17.30, un cliente a paga cu 400 dollar. E ta bisa cu el a bay controla e dollarnan den e mashin y e mashin no kier acepta nan. Segun F, e dollarnan ta falso. Polis a papia cu e cliente S, kende ta bisa cu e ta cu vacacion desde Venezuela y a bisa cu e dollarnan ta bon. Polis a confisca e dollarnan pa sigui cu e investigacion. □



Doño no kier paga trahado cu ta AO

ORANJESTAD—Central ta manda Polis na La Fama, pa un intermediacion. Na e sitio, Polis a papia cu e homber S, kende ta bisa cu e trahado A.S. ta malo (A.O.), y awe el a bin busca su cheque.

E doño di e luga no kier paga pa e luna di december, como cu ya e tin nueve luna A.O. E homber A.S. a muestra Polis un carta di AZV, cu ta bisa cu e ta A.O. te dia 31 di januari. Polis a intermedia, te caminda cu nan tabata por y e manager a duna A.S. su cheque di december. Central a wordo poni na altura.

Homber a spanta pa hoben cu cuchiu

PALM BEACH—Central a manda Patruya di Noord na un cas den L.G.Smith Blvd, pa un homber sospechoso cu ta para na porta ta bati.

Na e sitio, Polis a mira un homber solamente bisti cu jockey cu dos piedra den su man, e tabata tur muha y ta para dilanti e cas.

Polis a papia cu e homber K, naci na Aruba di 30 aña, kende e momento ey tabata den shock. El a bisa Polis cu el a para su auto mas o menos 23.30 na e beach di Malmok. Mas o menos 00.30, e tabata ainda na e luga ta relaha, ora cu di leu el a mira luz via e

bentana di su auto. El a mira cu tabatin un hende cu un foks, ta mira den su auto. El a bay mesora direccion di e auto y ora cu el a yega na su auto, el a mira un mucha homber bin den su direccion. K. a mira cu e mucha homber tabatin un cuchiu largo den su man.

E mucha homber ta color cla. Despues el a mira cu ta trata di dos mucha homber, pero e otro e no por a mira bon. E prome mucha homber a bisa cu e no ta haci su persona nada y e kier papia. Despues e mucha homber a pone e cuchiu abao. K. a spanta, pero ora cu el a mira e cuchiu, el a dicidi di core bay y bula den lama. E tabatin mas o menos

20 minuut ta landa, te ora cu el a yega na algun baranca y a sali di den awa.

El a core riba e piedranan skerpi pa bay na e cas. Ora cu el a yega na e cas, el a cuminsa bati riba porta pa pidi ayudo. E ora e habitantenan a yama Polis.

Polis a papia cu e habitante di e cas y e ta bisa cu realmente e homber a bati riba porta y a pidi pa yama Polis. Como cu K tabata spanta, el a tira su yabinan banda di e barancanan y nan a keda atras. Polis a bay cu K, pa busca e yabinan, pero no a haya nan. Polis a controla e auto, y a mira cu nan no a horta nada di den e auto. E auto tabata intacto y na ordo.



Un otro patruya a bin na e sitio y a busca den bisindario, pero no a haya nada. K a bisa Polis tambe cu e mucha homber cu foks a menciona su number. Segun K,

e muchanan a sali di un di e casnan den bisindario. Polisnan a splica K, cu na e oranan ey di anochi, e no mester ta su so na e luganan asina pa relaha, como cu no ta safe.

Cacho a keda pega entre dos pilar



SAVANETA—Central a manda Polis na un adres na Savaneta, na unda un cacho a keda pega entre dos pilar y no por move.

Na yegada Polisnan a constata esey, na unda un parti di su curpa tabata pega entre dos pilar di e cura. Polis a yuda e cacho pa sali di su situacion precario.

Un record historico:

2 miyon turista crucero bispo di aña

PHILIPSBURG – Sint Maarten a ricibi e di 2 miyon turista crucero Bispo di Aña. Ta e prome biaha cu e isla ta haya mas cu 2 miyon turista den su historia di turismo crucero cu a cuminsa 50 aña pasa. En total e isla a haya 2.000.864 turista di crucero den 2014.

E minister nobo di turismo, economia, transporte y telecomunicacion Clrate Connor a duna un homenahe na famia John y Marleen Tharpeku hunto cu nan nietonan tabata riba e barco Oasis of the Seas cu a mara na dr. A. C. Wathey Cruise & Cargo Facility.

E famia a haya un plakkaat conmemorativo y un crucero pa dos persona gratis como premio. Ta di dos biaha cu e wela y bisawela desde di Columbus, Georgia a bishita e

isla. E nietonan a bishita Sint Maarten pa prome bes.

Turismo di crucero di Sint Maarten ta floreciendo tur cu tin. Bispo di aña tabatin 7 barco di turista den haf di e isla. Nan tabata Albatros (536 pasahero), Celebrity Reflection (3,046), Oasis of the Seas (5,400), Prinsendam (790), Seven Seas Navigator (490), Thomson Celebration (1,254) y Ventura (3,100), pa un total di 14,616 pasahero di crucero.

Durante un celebracion cortico presidente di e Hunta di Comisario di Haf di Sint Maarten Renald Williams a bisa cu ta un ocasion pa celebra. Ta trabou duro tabatin pa yega na e punto aki, asina el a bisa.

Pero el a adverti cu tin reto nan dilanti di e isla, principalmente awor cu tin un rela-

cion mas miho entre Cuba y Merca. Prioridad ta pa tene e pasaheronan di crucero contento pa nan sigui bishita e isla, asina el a bisa.

Minister Connor a bisa a bisa cu 2 miyon turista di crucero ta representa crecimiento. “Loke tur hende ta haci den e sector aki ta masha importante pa pais y pa desaroyo di pueblo”.

Den e cuadro aki el a felicita hunta di comisario, directorado, sectornan di turismo y tur hende cu ta trata den e sector aki pa un trabou bon haci.

Mas aleu e minister a bisa cu Sint Maarten ta un “trendsetter” riba e tereno. E isla mester wak manera innovativo pa mantene su mes na top. “Mi ta anticipa caba nos di 2.5 miyon pasahero den futuro”, asina el a bisa.

Ruta nobo pa importa droga pa Hulanda



Traficantenan di droga ta uzando aeropuerto Dusseldorf mas y mas pa transporta cocaina di Corsou pa Hulanda. Te cu november di e aña aki autoridadnan dje aeropuerto a confisca 130 kilo di e droga. Esaki ta dos biaha mas tanto droga cu e cantidad cu a confisca na 2013. Aeropuerto Dusseldorf a bira un ruta alternativo pa esunnan cu ke trece droga Hulanda di entre otro Corsou.

Motibo cu esaki ta asina, ta e hecho cu traficion desde Corsou traves di Schiphol a bira casi imposibel cu e control 100% cu ta existi eyan.

Un vocero di Noordrijn-Westfalen a splica cu mayoria traficante di droga, como habitantenan di Corsou no tin mester di visa, ta facil pa nan drenta cualke pais di Europa.

Ta conoci en cambio cu biaheronan di (entre otro) di Corsou ta wordo sometete na e control 100% na aero-

puerto Schiphol.

Esey ta encera un control riguroso, cu ta encera maleta, ekipahe di man, control fisico y e avion mes.

Na aeropuerto di Dusseldorf en cambio esey no ta e caso, e vocero, Silke Zabel a declara.

Hecho ta cu no ta niun tiki probabel cu e control 100%, estilo Schiphol lo bini na aeropuerto di Dusseldorf.

“Si bin cu un control asina na Dusseldorf, tur loke bo ta bay haya ta, cu

e problema ta schuif pa un otro aeropuerto, por ehempel pa Frankfurt. Nos ta controla a base di sospecho cu nos haya di un persona of si nos tin suficiente informacion pa actua”, Zabel a agrega.

E ubicacion di aeropuerto Dusseldorf solamente ta contribui na e atraccion cu traficantenan di droga tin pa e aeropuerto aki. Loke ta pasa ta cu un traficante ke deshaci di su carga di droga mas lihe posibel. □



Stingray Swimming Team kier a gradici tur e sponsor (personanan y companianan) cu a haci posibel pa 5 di nan atletanan bay competi na e Vos powerade dasani competition 2014, na Surinam.

Sin boso aportacion esaki no tabata posibel. Un danki inmenso! Despues di hopi aña Stingray Swimming team ta biaha den exterior pa competi. Pa nos 5 atletanan esaki tabata un experiencia nobo, hunto cu coach Valerie Eman. Pabien na nos atleta nan di '8 aña y mas hoben Gavin Kock y Jaydon Croes, tambe di '11 aña bay ariba Angelika Mendoza, Lousette Rafael y Jegiel van Doorn, y naturalmente un danki inmenso na coach Valerie Eman.

Un pabien special ta bay pa Jaydon Croes cu su dos medaya di plata den 50m pecho y 50 m liber, y tambe na Angelika Mendoza cu su tres medaya nan di brons den 200 IM, 100 lomba y 100 liber. Un bon trabou hobennan. □

Stingray Swimming Team

Ta gradici tur esunnan cu a yuda den 2014



Sambuya di Aña Nobo 2015



ORANJESTAD - Dia 1 di januari na Moomba tabata tin ambiente, unda cu tur hende por a disfruta di e lama pero tambe di e solo. Hendenan local y turista a bin uno pa asina pasa un dia agradable.

Pero loke a haci e dia aki mas dushi ta cu mayoria adulto y muchanan tabata tin un pechi bisti, unda cu nan tabata warda pa core drenta den awa. E dia a inicia cu un warm up di Zumba, despues Fresh FM tabata entrene tur hende.

Pa 12'or di merdia a tuma luga "New Year's Dive" unda cu por a mira con e hendenan a core pa asina drenta den lama. Te cu atardi Dj Diablo tambe tabata presente na Moomba pa asina deleita tur hende cu su canticanan mix. □



Evelyn Wever-Croes (MEP)

Mensahe di fin di año

Nos ta yegando fin di un otro año. Ta e temporada di reflexiona riba bida di Hesus, su nacimiento, y e speransa pa un miho bida cu esaki ta significa. Y esey mi kier pa resalta den mi reflexion, speransa pa miho temponan.

E año aki tabata un año difícil pa hopi di nos y pa Aruba tambe, pero indudablemente tabata tin momento nan bunita tambe. Laga nos ta hopi agradecido na nos Todopoderoso pa e bendicionnan cu nos a ricibi e año aki, maske con chikito nan por ta. Laga e bendicionnan kita e fuente di inspiracion, e fuente di forza pa enfrenta e retonan den e año cu ta bay cuminsa. Mi deseo ta pa den cada hogar reina felicidad, no den e aspecto material, sino den e amor y cariño, e atencion y e tempo cu bo por duna na bo yiunan y nietonan. Mi ta consciente cu tur esaki por wordo realisa solamente si tin estabilidad financiero den nos pais y si tin oportunidadnan economico y laboral den nos pais. Lo tin pruebanan y retonan grandi nos dilanti, pero nos no mester perde speransa. Dios tin cosnan grandi pa Aruba, nos mester tin fe cu pronto ta bin un cambio.

Año 2014 a tipifica pa e año di e decreto real, e KB, y e su-

pervision financiero, e CFT, y sin lubida e welga di hamber. Tur esaki pasobra nos gobernantenan no tabata sa di maneha nos pais drechi. Pero e bon cu a sali di tur esaki ta cu awor por lo menos nos conoce e berdad. Y awor danki na intervencion di Gobernador e rumbo di e pais aki a cuminsa cambia e rumbo cu tabata bayendo den manipulacion extremo (e supuesto bon trabou) pa e berdad duro: e mega debe. E rumbo cu tabata bayendo den bancarota financiero a cambia pa e rumbo cu ta bay pa rescate financiero. Awor ta na nos pa carga nos responsabilidad. E caminda ta largo, CFT a bisa cu lo tarda 26 año pa nos recupera di e 5 añanan di gabinete Mike Eman I y II, y pa pone Aruba bek na e nivel cu MEP a laga esey na 2009. Pero por lo menos nos a cuminsa cana e caminda di rescate. E duele cu mi tin ta cu hustamente esunnan cu a causa e desastre financiero, no ta sinti e dolor. Ta esunnan cu no a causa esaki lo sinti e dolor. E caminda ta largo, pero indudablemente tin miho temponan na caminda y nos no mester perde speransa. Nos di partido MEP lo enfrenta e retonan cu 2015 lo trece, cu nos solucionnan cu nos a presenta den nos programa di campaña "Aruba

Merece Miho". Nos lo haci nos maximo esfuerzo pa duna nos pueblo e alivio cu pueblo tin mester, e paz cu nos pais tin mester, specialmente den Reino Hulandes, pasobra Aruba merece miho. Partido MEP a demostra di sa goberna, lagando Aruba na 2009 den un situacion financiero stabiel. Nos a demostra desde bankinan di oposicion cu nos ta busca solucion. Ta p'esey mi a biaha bay Hulanda na momento cu e lider di nos pais, cu pueblo a eligi, tabata busca confrontacion cu Hulanda y mi a pidi e politiconan Hulandes pasa man riba nan curason den nomber di pueblo di Aruba.

Nos a demostra cu nos si sa con pa maneha e pais aki y cu nos ta cla pa cualkier reto. Cu ayudo di Dios nos lo sigui duna e aportacion na trece alivio pa nos pueblo.

Den nos plan "Aruba Merece Miho" nos a trece esakinan pa dilanti sin manipulacion, sin promesa falso, simplemente cu honestidad. Y nos ta keda insisti cu e caminda pa sali di nos problemanan ta pa pone orden den e desorden financiero. Nos mester haci nos sistema di belasting mas simpel y mas husto, caminda cu tur hende ta paga locual cu nan debe, sin privilegio pa esunnan cu a financia campaña electoral. Nos ta convenci cu



pa sali di e abismo cu nos ta aden nos mester desaroya nos economia. Na prome lugá door di no dismantela e refineria. Na di dos lugá, creando un clima di inversion cu ta atrae inversionistanan. Na di tres lugá, bin cu un banco di desaroyo pa stimula agricultura, cria, pesca y industrianan chikito na Aruba y asina crea mas empleo pa esunnan cu awor ta desemplea. Nos ta convenci si cu mester brinda pueblo alivio y baha costo di bida: Prijs di coriente por baha cu 50% si nos bin cu e proyecto di "hydro cable", y prijs di combustibel por baha si controla prijsnan ampliando e macutu basico. Nos ta convenci cu pa haci Aruba mas sigur mester pone mas Polis riba caya, y cu enseñansa mester haya un inversion berdadero. Nos ta convenci cu mester mehora

e cuido di salud, ampliando e cantidad di especialista, y cu mester duna hende grandi un cuido digno. Esey ta e solucionnan cu nos a presenta y nos compromiso ta pa sigui lucha te logra esaki.

Mi deseo pa 2015 ta pa nos muchanan por tin enseñansa di nivel y lanta den un hogar cu amor y cariño; cu nos hobennan por haya empleo despues di nan estudio; cu nos famianan por ta fuerte y firme, pa por brinda e yiunan amor y cariño; pa hende grandi tin un cuido digno cu nan merece.

Ricibi den nomber di mi casa Kenneth, nos yiunan Christine, Kevin y Claudine, e miho deseonan pa e año nobo y cu den e dianan di fiesta nos dilanti paz por reina den bo curason y bo hogar. Y cu Dios bendiciona cada ciudadano di nos pais Aruba. □

Mireille Sint Jago (MEP):

'Team Kiebro den Cas' di recherche ta yuda



ORANJESTAD- Den e delaster añanan e cantidad di kiebro nan den cas a subi asina hopi, cu cuerpo policial a hasta lanta un team special cu ta yama: "Team Woning Inbraken". Lamentablemente ami mes a bira victima 5 biaha den añanan 2013 y 2014 di ladroncia na nos cas na San Nicolas.

Un cas di famia cu mi tawata uza pa duna bijles por nada riba diasabra, pero mi no por

a sigui pa via di tur e molester di esunnan cu ta kibra den e cas. A horta asina hopi biaha y asina hopi cos, ni shutters ta safe awendia. Na dado

momento, prome cu mi a ricibi un proces-verbaal pa firma, ya a sosode e siguiente kiebro. Polis a avisa mi pa pone plywood dilanti di e bentananan, pa preveni pa nan por saca e shutters, door cu pa reemplaza tur e bentana di e cas lo costa basta hopi. Despues por spaar pa pone tralie of hasta alarma. Locual ta laga mi sinti tristo, ta cu tin hopi cas rond di nos bunita cas di famia, cu ya caba a bira un cas di choller. Gobierno di AVP a cera Despues cu refineria Valero a cera, e cantidad di pa cas bashi na San Nicolas a casi redobla. Hopi hende a bay biba bek cu nan famia, nan no por a paga

pa huur un cas mas. Otro a wordo forsa pa hasta bandona nos isla, lagando nan propiedad atras. Casnan bashi y bandona ta baha e bista di un bario y ta baha e balor di e cas. Y mas peligroso ta cu nan ta atrae personanan in desea pa bishita e casnan.

Despues cu nan a instala e Team Woning Inbraken mi a ripara cu no solamente e cantidad di kiebro nan den nos cas a baha durante e año 2014 compara cu 2013, pero e trato cu bo ta haya como victima di ladroncia tambe a cambia. E di cinco biaha cu nan a kibra den e cas na San Nicolas, cu ta e unico biaha cu esaki a sosode na 2014 e recherche di Team Woning Inbraken a bin, nan a tuma nota con cu hende den e cas, a drenta pa come cuminda den e frishid-er y cu nan a bay cu a micro-

wave. Polis splica con awo nan ta traha mas structura. E biaha aki nan a tuma fingerprint y mi a sinti cu nan a tuma mi denuncia na serio. E ladron si no a wordo captura ainda. Mi ta kere cu e lo keda difícil pa polis, pa sigui combati ladroncia, si Gobierno di AVP ta sigui haci hende asina pover cu ta hasta den jockey so nan ta laga nan, pero mi tin speransa cu den futuro, mas hende lo busca solucionnan pa nan propiedad no perde su balor.

Tin cu ta logra huur e cas cu local nan, locual no ta facil den un bario cu tin yen cas cu mester di renobacion y cu ta atrae choller. Tin hende cu ta laga otro hende biba por nada den nan cas, djis pa preveni cu choller ta bay biba den e cas. Un otro opcion ta pa huur e cas temporalmente,

pa asina logra haya placa pa drecha y mantene e cas. Un cos ta sigur, nos no por keda sin haci nada, pasobra riba Gobierno di AVP si, nos no por conta ni confia.

E Team Woning Inbraken, lamentablemente, ta un team di recherche cu ta hopi necesario.

E ta un reflexion di e maneho di AVP cu a resulta cu criminalidad ta sigui subi y nos no por biba asina sigur mas na Aruba.

Mi ta apoya e trabou di e recherche di e team Woning Inbraken y mi ta haci un apoyo na pueblo en general, pa yuda polis cu e trabou duro aki.

Si bo ta wak algo sospechoso, saca potret of manda un mensahe pa e doño di cas, pa asina yuda haci Aruba un poco mas sigur. □

Gerick Croes (MEP):

Gabinete Eman II mes ta indica cu 2015 ta un aña pa hala faha mara

ORANJESTAD- Tin biaha e decisionnan cu nos tuma awe lo por resulta di tin consecucionnan severo cu nos mester bay deal cu nan den futuro.

Esaki ta netamente e caso di Gabinete Eman cual a base di decisionnan irresponsabel a crea un dilema financiero cu consecucionnan pisa y valido pa termino largo.

Aña 2014 a percura pa revela e estado di un financia deteriora na pueblo. E no ta un secreto cu awor ta pueblo ta esun cu tin cu bay paga pa e fayto fragante cometi y esaki ta cu e famoso medidanan cual varios a wordo menciona caba. Literalmente Gabinete Eman a hinca nos pais den debe sin tin placa y garantia cu cosnan lo bira miho.

Medida tras di medida

For di un comunicado di Minister di Financia nos a tuma nota di su declaracion indicando cu 2015 lo ta e aña di reto. Logicamente e no ta referi na un reto pa Gabinete Eman so pero pa e pueblo tambe. De facto e ta spiertando pueblo di Aruba pa hala faha mara den 2015 y prepara pa un serie di medida cu lo ta necesario pa scapa "pellejo" di Gabinete Eman. No mucho tempo atras for di un prome instante a expresa cu Gabinete Eman II lo no ta na merced di recomendacionnan di CFT. E realidad ta cu nos pais NO tin placa cual ta pone cu mester bay

presta y crea fondo pa via di e propio desaster cu nan mes a crea. Prome Minister tawata papia di "eerst groeien dan snoeien" pero a opta pa cuminsa corta den gruponan mas vulnerabel den nos comunidad y implementa medida tras di medida riba pueblo sin cu di berdad nos pais a conoce un crecimiento. Esaki ta e di varios biaha cu e ta contradeci su mes y ta kere cu pueblo lo no ripara.

Poder di compra

Den luna di december Camara di Comercio a expresa cu e decisionnan cu lo bay wordo tuma entre otro implementacion di cierto medidanan door di Gabinete Eman lo bay trece consecucionnan di inflacion pa e ciudadano. Esaki kiermen cu costo di bida lo bay sigui subi. Realidad ta cu e poder di compra ta deteriora pa hopi tempo caba y gobierno di AVP nunca a percura pa laga pueblo mantene esaki of mehora. Mas aleu e instancia a enfatisa cu nos nivel di divisa ta abou y cu generacion di divisa lo mester bira un prioridad pa nos maneho economico. Mientras Gabinete Eman no tin un plan real con pa diversifica nos economia y stimula crecimiento nos pais lo sigui confronta dificultad. E pronosticonan di crecimiento ahusta na 1.6% no ta ni cumpli cu loke mester ta un minimo di 3% pa por logra sali di e dilema financiero. Pa colmo e cifranan preliminar di 2015 ta muestra cu lo bay



sigui gasta y ranca placa for di pueblo sin piedad! Ta di lamenta pasobra tur hende lo a spera cu Gabinete Eman lo a bay cuminsa "lead by example" reduciendo entre otro ministerionan, coordinadornan y gastonan innecesario di promocion. Esaki ta ehempel bibo cu Gabinete Eman semper a scoge "hancha pa nan y smal pa pueblo".

Compromiso ta sigui

E compromiso como hoben politico ta pa continua na informa pueblo y sigur cuestiona Gabinete Eman den cada aspecto cu e ta fayando specialmente pa e parti financiero! Condenabel ta cu

e berdad financiero ta algo cu AVP semper a purba na tapa, ignora of tin biaha ta haci como si fuera nada un pasa! Ta di lamenta cu tanto e parlamentarionan di fraccion di AVP como e gobernantenan nunca a papia di e desaster crea den apenas 5 aña y tampoco no a cuestiona e maneho financiero deficiente. Un cos ta sigur cu loke nan no bisa of purba na tapa bo por conta cu nos como politico opositor si lo trece esakinan na luz di dia.

Algun proposicion di MEP

Como politico nos no a solamente cuestiona pero tambe a

contribui cu proposicionnan via bel cu a wordo tuma bou consideracion, entre otro alternativanan pa un proceso eficiente di paga prestamo pa estudio (DUO). Loke sigur nos a enfoca riba dje ta e poder di compra y netamente e mocion pa ahusta e "suma liber di impuesto" di 20 pa 30 mil ta algo cu MEP a dedica atencion na dje y cual fraccion di MEP lo bay pone presion pa esaki wordo implementa ya cu el a haya aprobacion unanime. Sin laga afo e hecho cu nos di MEP semper a pone enfasis riba ampliacion di canaster basico cual ta un compromiso solido y nos ta convenci cu esaki lo trece alivio pa nos ciudadanonan.

Un consejo cu lo mi kier duna cada ciudadano pa 2015 ta pa no haci e mesun eror cu Gabinete Eman di bay riba un "spending frenzy", gasta loke bo no tin paso sigur e lo crea problema pa bo mes. Ta consehabel pa traha un presupuesto chikito pa bo mes y categorisa/ prioridad di bo gastonan segun nivel di importancia. A pesar cu 2015 ta un aña di hala faha mara e ta importante pa nos ta consciente di con nos ta gasta nos placa e aña aki.

Pa termina mi kier a gradici cada un lector pa e feedback nan ricibi durante aña 2014 y kier desea pueblo di Aruba hopi dicha, salud, amor, suerte, harmonia familiar y prosperidad den 2015. □

Prome Minister Eman:

Creado fama den exterior

ORANJESTAD - Prome Minister Mike Eman a sinti un orguyo grandi na momento cu den forma di sorpresa el a haya e informacion cu su persona ta riba e lista di e 25 personanan mas sobresaliente di Caribe den aña 2014.

Su number ta aparece hunto cu personalidad manera Rihanna, Usain Bolt, y Richard Branson, kendenan a percura pa number di nan pais resona den forma positivo rond mundo.

E nombramento aki a wordo haci pa Caribbean Journal den e articulo titula: "The Caribbean's 25 Most Interesting People". Prome Minister Eman ta e unico di Reino Hulandes cu ta den e top aki.

E nominacionnan a wordo haci basa riba personalidad di region di Caribe cu a haci noticia, trabou y iniciativanan interesante rond mundo. Esunnan di Caribe cu a domina combersacionnan segun "Caribbean Journal" ta menciona den su introduccion cu "nos

Lista di Esunnan Mas Interesante pa 2014 ta contene artistanan, esunnan cu tabata influyente y esunnan cu a haci noticia."

Y entre e 25 nombrenan aki ta aparece esun di Prome Minister di Aruba Mike Eman, el a wordo menciona tanto pa su curashi di bay den un welga di hamber contra di loke el a mira como metemento di Hulanda den asuntonan interno, pero tambe su pasion di pone como meta pa Aruba ta 100 porciento uzando energia renoba pa 2020.

Por corda ainda cu den e posicion cu Prome Minister Eman a tuma den luna di juli/ augustus pa bay den welga di hamber, a haya apoyo y palabranan di solidaridad di lidernan di region. Por menciona ex Ministernan di Antia manera Don Martina, Maria Liberia-Peters, Etienne Ys y Suzy Romer, pero tambe di Hulanda mes den persona di ex Prome Minister Hulandes Jan Peter Balkenende y personalidad internacional manera Richard Branson, Martin Luther King III y

Joe Kennedy II. Tur e personalidad aki a apoya Prome Minister Eman tanto den su posicion pa proteha Aruba su autonomia y tambe pa su maneho exitoso y vision riba tereno di introduccion na gran escala di energia duradero pa Aruba, locual ta duna un bon ehempel na resto di mundo.

Aruba sigur ta orguyoso di por mira cu di e forma aki cu trabounan cu ta wordo haci riba un isla chikito, ta haya reconocimiento internacional. □

Boca Sami kier bira atraccion turistico

WILLEMSTAD – Den bario di Boca Sami, a tuma luga clausura di programa Bario pa Bario esey ta Corsou. Tabata un programa unico cu hopi sorpresa, pero e topico central tabata analisis di añu 2014 na encargo di e conocedo periodista Mariano Heyden.

Un multitud bastante grandi tabata presente y tabatin participacion di sopi gradualmente na e publico cu a presenta. Parlamentarionan Jacinta Constancia y Zita Jesus Leito a expresa nan deseo profundo pa nan bario di infancia, esta Boca Sami. “E bario aki por bira e bario cu ta sirbi pa duna servicio na turistanan”. “Ohalá por laga drecha e playa di un forma cu barconan di turista por mara aki cerca nos y cu conscientemente por lanta algun guia profesional den e bario, kendenan por duna informacion tocante e historia rico di e bario Boca Sami”, segun Jacinta Constancia. “Ami ta mira Boca Sami caba y mi sa masha bon cu loke nos por haci ta cosnan grandi. Nos ta hendenan cu por hala mara pa un causa”, Jacinta Constancia a continua bisando.

Pa Zita Jesus-Leito, e bario di Boca Sami ta cla pa aporta grandemente na adelanto di Corsou su economia. Nos tin hopi di ofrece y mas cu tur cos ta pasobra e Yiu di Corsou di Boca Sami ta orguyoso y tin hopi confiansa den loke e ta y loke e por. Señora Zita Jesus Leito a splica te den detaye cu e samineru cu su ekipo Jong Colombia, cu su cultura di coopera cu otro ta lanta cu e sentido comun. Ami a experencia di acerca, formando parti di organisacionnan di bario. Den e organisacion di Sami Sail y den deporte ma mira kico ta nos forsa! No obstante tur cambio cu a tuma luga den e custumbenan di Corsou, ainda nos di Boca Sami por hala mara. Drechando e fortinan cerca nos aki y haci di berdad e bario aki un atraccion turistico, ta temanan cu ami y Jacinta sa combersa frecuentemente cu otro, Zita a continua bisando.

Aunke biba den Santa Maria tur momento di dia e mama di Zita ‘Nana’ sa ta den Boca Sami. E señora aki a conta di e sopi di piedra di cua e ingrediente principal ta un tipo di piedra di lama coge



den santo. Pa añu 2015 ta e intencion pa laga Boca Sami cana padilanti cu decoracion durante e temporada di fin di añu, segun Marlon Regales. Boca Sami a presta cu a laga traha tarhetanan postal y kere mi cu na añu 2015 nos lo bini bek cu e bario aki nechi decora y den un bachi masha atractivo mes. Den bista di Jacinta Constancia si mira patras riba añu 2014 mester reconoce cu ta unicamente nos hobennan a destaca, anto esey tabata cu baseball den Liga Grandi, pero lamentablemente tambe cu cosnan robes. Como tal futuro di Corsou ta den man di hubentud, basta nos sa con haci bon uzo di nan talento y capacidad.

Enfasis pa conta nos cosnan robes

Mariano Heyden durante su analisis di añu 2014 a sali cu e argumento cu hopi hende ta conta te den detaye e cosnan cu no a cana bon, pero loke mas nan ta descuida ta pa trece solucion concreto. No tin ningun sentido pa sigui ripiti y hinca tanto energia den splica pa convence e cosnan cu a cana robes den nos pais, pasobra e cosnan robes nos tur sa caba cua nan ta. Dedicacion na nos hubentud den bista di Mariano Heyden mester ta punto di prioridad number uno y accentua e partinan bon. E esfuersonan mester bay pa haci y logra resultadonan satisfactorio. Ta p’esey mester drecha nos economia y percura di berdad cu tin posibilidad nan real pa nos hobennan por traha. Mariano Heyden a muestra cu economia ta canando malisimo y no mester tin e pretension cu Sambil y construccion di Hospital Nobo ta habri tanto cupo pa compensa loke a bay perdi. No tin sentido pa exagera. Pa

loke ta construccion di Hospital Nobo ta asina cu apenas 250 persona lo haya trabou, siendo cu riba 1000 hende a perde trabou. Den centro di Ciudad, Punda y Otro banda

opinion cu e ministernan di Economia y Turismo, Stanley Palm y minister Plenipotenciario Marvelyne Wiels a haci mal trabou. Marvelyne Wiels claramente a dañá of



negoshinan a cera uno tras di otro. Tin e diferencia chikito cu Otro banda a logra wanta cabes un tiki riba awa. Pero e saldo di cuponan di trabou cu Sambil lo por garantisar ta debidamente menos cu loke a bay perdi. Pa loke ta gobernacion Mariano Heyden ta di

sea brongosa cara di Corsou na Hulanda, como tal ta miho pone e minister aki un banda.

Pa productor di programa Bario pa Bario, Erwin Raphaëla, e minister di Naturalesa Medio ambiente y Salubridad señor dr. Ben

Whiteman no a funciona di un forma inaceptabel. Ainda Corsou no ta para keto pa interpreta loke a sosode. E minister aki lo no mester keda ningun dia mas den e funcion di minister. E malesa Chikungunya a pasa manera un tormenta teribel riba pueblo di Corsou sin e minister a saca ni sikiera un dede pa adverti of preveni. Siendo un conocedo di e materia, nada minister Ben Whiteman, no haci pa yuda e pueblo. Departamento di salubridad a keda como si fuera na soño. Ni tampoco riba tereno di agricultura cu ta indica como un area cu posibilidad nan di crecemento e minister no a presta.

E golpi cu Chikungunya a propone Corsou den su financia ta incalculabel. E ta duro pa turismo y pa nos

Presidente Dilma Rousseff a huraamenta

WILLEMSTAD - Prome minister, Ivar Asjes, a representa Corsou, y otro paisnan di Reino Hulandes y tambe e Gran Dukado di Luxemburg na e capital Brasileiro, Brasilia, durante e ceremonia oficial di tumamento di posicion di Dilma Vana Rousseff pa su di dos termino como presidente di Republica Federal di Brazil. Durante su estadia, prome minister Asjes lo haci uzo di e oportunidad pa topa y reuni cu diferente colega Hefe di Gobierno di region y Union Europeo cu tambe ta invita pa e ceremonia importante aki. □



Bishita di trabou di miembronan di Parlamento Hulandes na Boneiro

KRALENDIJK BONEIRO- desde ayera 2 di januari te cu dia 4 di januari 2015 algun miembro di Parlamento Hulandes ta di bishita na Boneiro.

E delegacion ta consisti di: Jeroen Recourt (PvdA, 2e Kamer, y alabes hefe di delegacion), Marijke Linthorst (PvdA, 1e Kamer y alabes hefe suplente di delegacion), Frank van Kappen (VVD, 1e Kamer), Sophie Van Bijsterveld (CDA, 1e Kamer), Ruard Ganzevoort (Groenlinks, 1e Kamer), Nanneke Kuik-Schuijt (SP, 1e Kamer), André Bosman (VVD, 2e Kamer), Roelof van Laar (PvdA, 2e Kamer), Peter Oskam (CDA, 2e Kamer), Gert-Jan Segers (CU, 2e Kamer) en Roelof Bisschop



(SGP, 2e Kamer). Ayera e delegacion a keda ricibi pa e Secretario di Representante di Reino, Jan Helmond. Awe diasabra 3 januari despues di un encuentro cu Representante di Reino, Gilbert Isabella, e delegacion tin un reunion cu Colegio Ehecutivo, cu Consejo Insu-

lar y tambe nan lo hiba combersacion cu Partnernan di Dialogo Social. E delegacion lo tin tambe un encuentro cu e directiva diario di Comunidad di Scol Boneriano (SGB) y lo bishita e proyecto Vivienda bou di guia di Jong Bonaire. Awe diasabra, entre 5'or pa

7'or di atardi na Jong Bonaire, e delegacion di Hulanda ke topa cu pueblo di Boneiro. Tur hende ta bonbini pa den un esfera informal bin intercambia di pensamiento. Esaki ta e oportunidad pa personalmente topa cu e delegacion caminda por comparti bo experiencia nan di e



ultimo añanan y haci bo preguntanan.

E miembronan di Parlamento Hulandes ta representa habitantenan di Hulanda. Awor cu Boneiro tin e status di Entidad Publico, nan ta representa habitantenan di Boneiro pero tambe di Saba y Sint Eustatius. E tareanan di Eerste y Tweede Kamer ta pa traha leynan y controla gobierno di Hulanda y gobierno di Reino. □

Conexion di planta solar piloto riba red di WEB

KRALENDIJK, BONEIRO- Compania di Awa y Electricidad Boneiro, WEB N.V., a conecta e planta solar piloto riba e red di distribui di coriente.

Den comienso di aña WEB a anuncia cu lo ehecuta un proyecto solar piloto na Barchadera, esey ta e tereno cu antes tabata di Wereldomroep na Boneiro. Esaki ta awor den su fase final y inaugu-

racion oficial lo ta medio januari 2015. E planta solar piloto aki ta produci 180kW ora cu solo ta riba su punto maximo, cu ta un ekivalente di uzo promedio di alrededor di 60 cas. E resultadonan di e planta aki lo wordo uza pa estudionan di impacto di energia solar riba e red di coriente y pa factibilidad di un futuro construccion di un Solar Garden (Hof Solar; un parke di panel solar). Cu e planta solar piloto, WEB a dal un

stap di innovacion pa den futuro por brinda su clientenan un alternativa di produccion central di energia solar, cu ta na beneficio di tur habitante di Boneiro en bes di produccion no central (priva riba dak di cas).

Riba e potretnan por mira momento cu e team di e proyecto solar piloto a conecta cu hopi orguyo e planta riba e red di coriente. Por mira tambe e panel nan solar. □



Minister Stanley Palm: "Den e proximo 5 aña"

20 Mion pa embeyece centro di Ciudad

WILLEMSTAD - Den e proximo 5 aña, gobierno lo pone 20 mion florin disponibel pa embeyece centro di Ciudad. Centro di Ciudad mester bira mas bunita y atractivo, pa e turista y pa nos mes hendenan, **minister di Desarojo Economico y Turismo Stanley Palm a anuncia.**

Tanto Punda como Otro banda a bay atras considerablemente ultimo añanan. E edificionan pa un parti ta den mal estado, como consecuencia di e hecho cu e comerciantenan no ta bendiendo suficiente pa e por inverti den drechamento di su negoshi.

Di otro banda, edificionan

menos bunita tampoco ta atrae e cliente pa bin Punda. Un otro aspecto ta e hecho cu tin mas y mas centronan di compra ta lantando pafo di centro di Ciudad, loke ta haci baymento di Punda no asina necesario mas.

E centronan di compra aki ta formando mas y mas un competencia pa centro di Ciudad. Tin hopi comerciante cu ta teme apertura di e centro comercial Sambil na Veeris, cu por bira un golpi fatal pa centro di Ciudad. Hecho ta, cu di tur sector ta reconoce cu algo mester sosode cu Punda y Otro banda pa haci nos centro di Ciudad atractivo atrobe.

Minister Palm a bisa cu gobierno ke bay papia cu e doñonan di e edificionan den



centro di Ciudad. Gobierno awor aki ta trahando riba incentivanan fiscal pa den futuro trece cambio den e destinacion di e edificionan den Punda y Otro banda.

"Si bo no cambia e composicion di edificionan den centro di Ciudad, esta e tipo di negoshi cu bo tin den nos centro, ta masha dificil pa bo trece bisa bek den bo Ciudad. Si bo keda enfoca solamente riba e parti di benta detaya, e ta bira un asunto hopi dificil. Gobierno ke crea incentivo pa doñonan di edificio cuminsa evalua e posibilidad pa converti edificionan den por ehempel compleho di apartamento.

Un otro posibilidad ta pa haci restaurant, cafetaria of bar. Final di cuenta, ta bay pa

duna Punta y Otro banda un otro aspecto.

Loke tambe ta trahando riba dje ta e forma cu construccionnan ta tuma luga den Punda. Hunto cu ministerio di planificacion Urano (VVRP), ta trahando riba criterionan con construccion mester ta den futuro.

Un aspecto specifico cu mester di atencion ta e instalacion di aircu cu ta dañá bista den centro di ciudad.

Pero esey, ta den coordinacion cu ministerio VVRP mester yega na reglanan con e coordinacion ey mester bay, e minister a duna di conoce. Hunto cu Downtown Management Organisation (DMO) nos lo busca un solucion pa e tipo di problema aki, segun e minister. □

Trekkingslijst van de Landsloterij

1ste Trekking															01 Januari 2015														
-----															-----														
TIEN															DUIZEND														
TALLEN															DUIZEND														
33															DUIZEND														
44															DUIZEND														
58															DUIZEND														
75															DUIZEND														
77															DUIZEND														
90															DUIZEND														
2652															DUIZEND														
2660															DUIZEND														
2665															DUIZEND														
2668															DUIZEND														
108															DUIZEND														
127															DUIZEND														
134															DUIZEND														
136															DUIZEND														
138															DUIZEND														
150															DUIZEND														
152 750															DUIZEND														
179															DUIZEND														
228															DUIZEND														
250															DUIZEND														
261															DUIZEND														
355															DUIZEND														
386															DUIZEND														
414															DUIZEND														
453															DUIZEND														
460															DUIZEND														
463															DUIZEND														
492															DUIZEND														
501															DUIZEND														
503															DUIZEND														
539															DUIZEND														
547															DUIZEND														
587															DUIZEND														
605															DUIZEND														
624															DUIZEND														
629															DUIZEND														
644															DUIZEND														
660															DUIZEND														
691															DUIZEND														
694															DUIZEND														
708															DUIZEND														
743															DUIZEND														
750															DUIZEND														
760															DUIZEND														
806															DUIZEND														
819															DUIZEND														
826															DUIZEND														
837															DUIZEND														
846															DUIZEND														
869															DUIZEND														
882															DUIZEND														
888															DUIZEND														
894															DUIZEND														
944															DUIZEND														
-----															-----														
EEN															DUIZEND														
DUIZEND															DUIZEND														
1007															DUIZEND														
1031															DUIZEND														
1038															DUIZEND														
1048															DUIZEND														
1081															DUIZEND														
1081 7500															DUIZEND														
1102															DUIZEND														
1107															DUIZEND														
1127															DUIZEND														
1129															DUIZEND														
1167															DUIZEND														
1173															DUIZEND														
1192															DUIZEND														
1210 1000															DUIZEND														
1266															DUIZEND														
1310															DUIZEND														
1320															DUIZEND														
1330															DUIZEND														
1347															DUIZEND														
1354															DUIZEND														
1362															DUIZEND														
1382															DUIZEND														
1435															DUIZEND														
1476															DUIZEND														
1482															DUIZEND														
1505															DUIZEND														
1511 1000															DUIZEND														
1524															DUIZEND														
1537															DUIZEND														
1573															DUIZEND														
1593															DUIZEND														
1618															DUIZEND														
1627															DUIZEND														
1660 750															DUIZEND														
1678															DUIZEND														
1702															DUIZEND														
1714															DUIZEND														
1716															DUIZEND														
1738															DUIZEND														
1747															DUIZEND														
1767															DUIZEND														
1795															DUIZEND														
1811															DUIZEND														
1826															DUIZEND														
1859															DUIZEND														
1849 600															DUIZEND														
1882															DUIZEND														
1903 1000															DUIZEND														
1919 1000															DUIZEND														
1936															DUIZEND														
-----															-----														
TWE															DUIZEND														
2000															DUIZEND														
2020															DUIZEND														
2032															DUIZEND														
2065															DUIZEND														
2077															DUIZEND														
2081															DUIZEND														
2099															DUIZEND														
2106															DUIZEND														
2121															DUIZEND														
2176															DUIZEND														
2214															DUIZEND														
2254															DUIZEND														
2263															DUIZEND														
2293															DUIZEND														
2297															DUIZEND														
2323															DUIZEND														
2324															DUIZEND														
2329															DUIZEND														
2364															DUIZEND														
2384															DUIZEND														
-----															-----														
VIJF															DUIZEND														

Prome Minister Eman:

“El a mira e importancia di e palabra ‘cordialidad’ den historia di Aruba”

Mientras cu e entiero a tuma luga dialuna atardi, diasabra tabatin un ceremonia na Cas di Cultura unda tabatin un homenage na sr. Hubert (Lio) Booi (q.e.p.d.) den presencia di Gobernador Interino sra. Ella Tromp Yarzagaray, Prome Minister Mike Eman, diferente otro Minister, miembronan di Parlamento, invitadonan y famia.

cia como uno di un persona cu palabranan bunita, como persona cu ta lanta speranza y esaki lo no ta algo completo riba cual lo bo por construi un nacion, su opositornan tabata hopi lihe pa describi esey. Pero sr. Barack Obama a contesta, “awe lo no tabata tin igualdad na Merca si no tabata tin un persona cu a bisa, resonando den henter mundo, “I have a dream”. Awe Merca lo no tabata libera

a logra di hinca esaki den nos curason, un balor di eternidad pa un sociedad cu hobennan cu ta bin despues por compronde kico ta e esencia di e balornan y e reis di nos sociedad.” E mandatario a recorda tambe un simposio di aña 2003 den Cas di Cultura riba e importancia di un Departamento di Cultura, na unda sr. Lio Booi a wordo invita pa presenta su ideanan riba e “balor



Na principio di su discurso e mandatario a señala cu “un pais ta wordo forma door di tur e lasonan di amistad, di amor, di patriotismo, sentido di solidaridad entre su ciudadanonan. Liñanan invisibel, pero cu ta esencial pa crea un sociedad. Esaki ta e liñanan cu ta mara nos comunidad hunto. E liñanan aki ta bira visibel ora nos tin memey di nos, personanan cu e talento y e devocion manera cu sr. Lio Booi tabatin”. Y papia di e importancia di palabranan di amor, sentido di patriotismo, di kico ta un ser humano y nificacion di Pasco, p.e., ora cu nan wordo hinca den composicion.

Prome Minister a ilustra e importancia di palabra cu algun expresion cu a bira famoso. Y el a recorda cu e actual Presidente di Merca, Barack Obama, na momento crucial di su nacemento como figura politico, un potencial presidente di Merca e tempo ey, a cuminsa incorpora amor y simpatia den su pais y mundo pa su forma di comunica cu su pueblo y su elocuencia. El a describi su prominencia

di un guera cu tabata wordo domina pa forza ahenos si no tabata tin un president cu a bisa, “The only thing we have to fear, is fear itself”. Awe Merca kisas lo no por a yega su prominencia si no tabata tin un president cu a haci un yamada riba su conciudadanonan y a bisa nan: “No mira kico bo Pais por haci pa bo, pero kico abo por haci pa bo pais.”

Pues el a splica cu di e forma aki con palabranan a haci mas cu unicamente presenta ideanan. Palabranan a move cielo y tera, sentimentonan cu a haya un bida pa motibo di e forza di e palabra, den e secuencia cu e ta wordo poni, den e organisacion di e letranan, den e stimacion cu a resona for di cada letra di cada palabra di cada frase. “Y awe si nos ta canta nos himno cu un sentido grandi di orguyo, cu un conviccion grandi cu Aruba por supera e retonan di mas grandi cu tin. “Con chikito y simpel nos por ta, pero si respeta”, ta pasobra cu personanan cu un curason y un talento asina special, manera Sr. Lio Booi



di Cultura”. Loke cu a capta e atencion di e mandatario te cu awe ta ora cu Booi den su presentacion “a para keto na e palabra cordialidad y e balor cu e palabra cordialidad aki, tabata tin pa Aruba den su historia. Den e formacion di nos norma y balornan como ciudadanonan, como rumanan, como bisñanan, como amigonan uno pa cu otro. Pero tambe den e desaroyo di nos economia. Cuanto no ta bisa cu Aruba ta resalta den e mundo aki pa motibo di cordialidad. Y sr. Booi na 2003 a

haci un yamada riba nos tur, pa semper corda cu e cordialidad aki ta algo fragil y nos tin di percura pa nos conserva y cultiva esey pa nos por pasa esey pa un siguiente generacion. Con mas bo por haci esaki cu marca esey den nos Himno, con miho por pasa e balornan di nos pais, e patriotismo, e orguyo di ta un Rubiano of Boneriano. Con miho por pasa e necesidad cu un pais tin pa kere den su historia pa tin confiansa den su presente y lucha pa su futuro cu si no ta den su palabranan y e poe-

sianan, e poemanan, e cancionnan, e literatura cu Sr. Booi ta laga pa nos.” Prome Minister Eman a cera su discurso cu palabranan di elogio pa Lio Booi, expresando con hopi e pueblo aki a stima, pero tambe e amor cu tabatin pa su persona den otro partinan di Reino Hulandes. “Awe nos ta yama ayo, cu un gran sentido di respet, di admiracion y stimacion pa locual el a nifica pa nos pueblo, pa nos pais. Sr. Lio Booi, descansa den Paz y cu nos Creador duna bo un luga hopi special den su Reino.” □


Sudoku BON DIA, train bo mente

FACIL

1	7		8					9
		6		1				7
					7		5	
		4	9		5			8
	8			6				9
9			4		3	5		
	5		7					
7				9		6		
8					6		2	1

MEDIO

	4	5	2					
		6			4	3	2	5
		8			3			
			5	9		8	4	
			4		6			
	9	4		1	8			
			1			2		
8	2	3	6			5		
					2	6	8	




Bon bini na Sudoku Bon Dia. Riba e pagina aki nos ta brinda bo tur dia tres sudoku den e siguiente secuencia, Facil, Medio.

Pa resolve bo ta pone number den cada cuadra di tal forma cu cada rij crusa of bay abou tin e number un solo biaha. Tambe den cada cuadra chikito compara cu esun mas grandi tambe tin e numbernan 1 te cu 9.

E number tampoco no por ripiti den e cuadra chikito. Trahando cu e numbernan cu tin poni caba ta yuda bo yega na e solucion. □



Breng het kerstkransje naar de muis



DOCTER

NA WARDA

Oranjestad

EMERGENCIA

911



POLIS	100
POLIS	581-1100
ORANJESTAD	582-4000
NOORD	587-0009
STA. CRUZ	585-4710
SAVANETA	584-7000
SAN NICOLAS	584-5000
BRANDWEER	115
BRANDWEER	582-1108
POLIS TIPLINE	11141
HOSPITAL	527-4000
AMBULANCE	582-1234
SAN NICOLAS	
AMBULANCE	584-5050

BOTICA

Oranjestad: Dakota Tel: 588-7364
San Nicolas: San Nicolas Tel: 584-5712

SERVICES

INFORMATION	118
SETAR	582-2116
TAXI	582-5900
TAXI-TAS	587-5900
PROF. TAXI	588-0035
TAXI D.T.S.	587-2300
SERVICE ARUBA	583-3232

CRUISESHIP

Januari 5

Monarch

AIDAAluna

Zuiderdam



MORTUARIO

AD Patres	584-2299
Aurora	588-6699
Mementomori	583-3358
The Olive Tree	584-8888

FOUNDATION FELLOWSHIP CLINIC

Tel: 584-6440
Alcoholism & Drug Addiction,
Anonymity guaranteed

FUNDACION

Anti-Droga

Aruba

(FADA) Tel: 583-2999

FUNDACION

Respetami

Tel: 582-4433

Diabetic Foundation

Arubano

Tel: 583-3808

Narcotics Anonymous

Tel: 583-8989

Foundation Amor

pa Prohimo

Tel: 583-3345 /586-6976

Women in Difficulties

Foundation

Tel: 583-5400

Stan Dabian

Permiti mi expresa palabranan di Bon Aña Nobo 2015 na cada un di boso y pa boso famia.

Aña 2014 tabata un aña cu su retonan, pero na e mes un momento mi ta desea di expresa mi gratitud na cada un di boso pa boso apoyo, sosten, colaboracion y publicacion di nos articulonan pa prensa.

Den e aña 2015 ta nos deseo di bay traha un poco mas riba e educacion cultural di nos cultura Arubano y mi ta sigur di conta cu boso sosten y apoyo den esaki... Un pueblo bon educa ta disfruta di su libertad y goso di su propio identidad y cultura.

Deseando cada un di boso y famia, un feliz aña 2015 yen di bendicion di bon suerte, salud, paz, amor, bienestar,



abundancia, bon fortuna, sabiduria y hopi alegria den e aña aki. Desaroya bon ekilibrio den e mundo spiritual y material ta nos reto! □

Receta di MAMA

Bon Appetit!

• BON APPETIT • BON APPETIT • BON APPETIT • BON APPETIT •

Carni di porco stoba cu maishi

Ingredientenan:

- 1½lb di carni porco sin weso
- ¼ cup di hariña blanco
- 2 cuchara grandi di azeta dushi
- 1 cup di ciboyo corta chiquito
- 2 teenchi knoflook machica
- 4 cup di bouillon di galiña
- 1 bleki di tomati 16oz.
- 1 theeleep di oragano
- 1 theeleep di salo
- ¼ theeleep di peper
- 2 bay leaves (laurierblaadjes)
- 1lb. di zucchini geslice
- 3 tapushi maishi geslice
- 2 banana berde geslice
- 1lb. di batata dushi corta



Preparacion:

Corta e carni na bloki y sprenkel hariña riba nan. Pone un banda. Den un wea grandi keinta e azeta. Hasa e carni te ora tur bira bruin, mientras ta dreinan cu un cuchara di palo. Saca e carni y pone den un tayo un banda. Agrega e ciboyo y knoflook na e azeta den e wea. Hasanan pa 5 minuut riba candela mediano. Basha e bouillon den e wea. Lage herbe y drei e cu un chchara di palo pa nada no pega den e bom di e wea. Pone e carni bek aden hunto cu e tomatinan, batata dushi y specerijnan. Baha e candela, pone e tapadera y smoor e pa 1 ora. Agrega e zuchini, maishi y banana berde y cuhsine pa 15 minuut mas. Saca e bay leaves afor, Sirbie mesora.

Pa 4 te 6 persona



Aries

Generalmente bo tin un rutina e maneho di bo bida familiar, pasando igual cantidad di tempo cu cada uno di bo sernan ker, haciendo espacio pa tur. Bo numbernan di awe 23, 28, 36 y 44.



Tauro

Si awe e streanan ta haci bo sinti manera bo ta schaats riba ijs fini cu bo persona ama, purba di recorda cu bo tin e poder di cambia e cosnan. Bo numbernan di awe 21, 26, 34 y 40.



Geminis

Si tin algo cu bo gusta di tin awo ta compania diberti y fresco. Ora ta mas interesante, imbendibel y ta mas spontaneo, miho. Bo numbernan di awe 22, 27, 35 y 43.



Cancer

Si bo ta den un relacion, bo no mester di comporta bo di manera vengativo. No demostra nada cu esey. Bo numbernan di awe 13, 18, 26 y 32.



Leo

Si bo no ta sigur/asina na tuma e relacion aki den serio of no, puntra bo curason. E no lo gaña bo y bo intuicion ta den e punto mas halto awe. Bo numbernan di awe 4, 9, 21 y 39.



Virgo

Si recientemente bo a sali cu un grupo nobo di amigo, ohala bo a hiba bo pareha cu bo. Pasobra si bo no a haci esey siguramente e lo tin un gesto tristo y ta toca bo suavisa e cosnan. Bo numbernan di awe 15, 22, 28 y 34.



Libra

Si ta sucede cu awe bo ta conoce un interes romantico, mustra ken bo ta na laga di simplemente haci un esfuerzo superficial pa conoce. Bo numbernan di awe 6, 21, 29 y 35.



Scorpio

Si ainda bo no a comparti bo sentimentonan pa cierto persona, definitivamente awo lo bo haya e manera di haci esey. Bo numbernan di awe 17, 22, 30 y 36.



Sagitario

Si bo laga cu hende convence bo cu e amor no ta existi, e ora amor no lo existi pa bo. Awe bo mester supera e influenciacion di otro. Bo numbernan di awe 8, 23, 31 y 37.



Capricornio

Si ayera bo a pensa cu bo ta totalmente irresistible den e tereno di amor, awe bo lo ta completamente mortal, desde mainta trempa te anochi laat. Bo numbernan di awe 19, 24, 32 y 38.



Aquario

Si e amor yega, pone atencion. Si bo no haci esey, e por disparce mes lihe cu el a yega. Bo numbernan di awe 20, 28, 33 y 39.



Pisces

Si e amor yama na bo porta awe, no duda pa habri e porta. E amor aki probablemente lo tin hala y por bay lihe manera el a yega. Bo numbernan di awe 12, 17, 25 y 31.

Universidad di Rusia ta crea un 'Arca di Noe'

MOSCU, RUSIA- Universidad di Estado di Moscu ta desaroya un proyecto cu lo keda cla na 2018. E instalacion final lo tin un tamaño de 430 kilometer cuadra

E Universidad Estatal di Moscu a anuncia cu e ta sigura di tin financiamiento pa su proyecto mas ambicioso te cu awo: un arca di Noe modernisa, cu lo trata di recoge obtene ADN di tur organismo bibo riba mundo. "E Arca de Noe lo tin un banco di dato cu tur e sernan bibo riba Tera, incluyendo tambe organismonan cu a disparce y extingui. Esaki ta e reto cu nos a tuma y nos ta presenta", asina e rector di

e universidad, Viktor Sadivnichy a afirma na prensa. E proyecto lo mancha cu un presupuesto di 194 miyon di dollar y mester ta cla na 2018. Cu e iniciativa aki lo vries y warda diferente tipo di material organico cu eventualmente por wordo uza pa reproduccion. E trabou ta rekeri participacion di tur e arianan di e Universidad, tanto pa colecta como pa e investigacion.

Ademas e proyecto a wordo diseña pa involucra studiantenan hoben di e institucion. E instalacion final lo tin un tamaño di 430 kilometer cuadra y lo ta ubica na un di e campus central di e Universidad. "Si esaki wordo realisa



, esaki lo ta un logro grandi den historia di Rusia, manera e prome nacion cu a crea realmente un especie de Arca de Noe", asina Sadivnichya enfatiza. □

Un raton a retrasa un vuelo pa seis ora

MADRID, ESPAÑA- E avion de Qatar Airways mester a wordo fumiga despues cu a haya un raton den e cabina di pasahero.

E avion mester a wordo fumiga prome cu lanta vuelo. E vuelo di Qatar Airways QR150 Madrid-Doha a sali cu por lo menos seis ora di retraso debi na e raton cu a wordo haya den e cabina di pasahero. E raton tabata motibo suficiente pa laga spuit den e avion, esaki ta segun splicacion cu dialuna fuentenan di Efe di e compania a duna.

A resulta cu e avion cu mester a lanta vuelo desde Madrid pa 15.00'or (14.00 GMT) lo lanta vuelo despues di 21.00'or (20.00 GMT) debi cu e mainta ey durante e

proceso cu e avion mester a baha na e capital Spaño, procedente de Doha, un raton tabata keiro den e avion, esey a causa consternacion bou di e pasaheronan cu a avisa e personal di vuelo.

Despues cu e avion tabata riba tera, e compania a procede cu spuitamento di e avion y a haya e raton morto den e avion pero e protocol di seguridad a obliga e compania pa warda un largo rato pa evita

cu e pasaheronan ta inhala e huma venenoso di e fumigacion. E wardamento a provoca rij largo dilanti di balie di e compania cu e consecuencia cu hopi pasahero di e vuelo

Madrid-Doha a perde nan conexcion pa bay Tailand, Singapur of Bali. E compania a informa e pasaheronan cu nan lo para responsabel pa e gastonan cu ta surgi di e retraso aki. □



Advertorial

Habri aña como e prome miyonario di Lotto

Comunidad di Aruba ta pendiente pa e prome sorteo hot-hot-hot di Lotto tumando luga diabierna dia 2 di januari pa 9'or di anochi "live" na TeleAruba.

Cu un premio grandi di 1.9 Miyon Florin, e ganado di Mini Mega ta bira e prome miyonario di Lotto pa aña 2015.

E ultimo sorteo di aña 2014 no a conoce ganado di e prome premio y consecuentemente tanto e jackpot acumulativo di Mini Mega, como esun di Mega Plus a sigui crece. E suma di e dos premio tambe ta sigui crece.

Lotto ta invita tur hungado di e sorteo di E Loteria di Aruba pa bishita nan rebendedo



faborito y cumpra nan Mini Mega y Mega Plus tempran pa evita para den rijnan largo.

Ticketnan pa e sorteo di diabierna ta obtenibel te cu 8:45 di anochi.

Cumpra bo Mini Mega pa 5 florin y si bo combinacion di cinco cifra sali den e sorteo, bo ta gana 1.3 miyon florin; aña di bo Mega Plus pa solamente 2 florin extra y gana 600 mil florin mas, pa un premio "den cabes" di Afl. 1.9 miyon.

Lotto ta buscando un ganado pa su premio miyonario di Mini Mega y Mega Plus.

Cumpra bo combinacion faborito di cifra of bo Mini Mega Loco y abo por ta e prome miyonario den 2015 di Lotto di Aruba. □